

ভোম্বোল
সদর



এক

পলাতক

অনেকদিন আগের কথা—

অশ্বিনের মাঝামাঝি একদিন, ছেলেদের নিয়ে পাড়ায় মহা হৈ-টে পড়ে গেল। কথাটা যে শোনে সে-ই প্রথমে অবাক হয়, তারপর ভয়ংকর রেগে ওঠে; বলে—ছেলেগুলোর কঠিন শাস্তির দরকার; দেশস্বদ্ধ জ্বালানো।

কর্তারা তাই ছেলেদের বিচারে বসেছেন। বিচার-সভা বসেছে, পাড়ার নিধু চক্রবর্তীমশাইয়ের কাছারি-ঘরের বারান্দায়।

মস্ত খড়ের ঘর; সামনে কাঁকা উঠোন। তার ও-দিকে বেলতলা, এ-দিকে সজনে গাছ, রাংচিত্রার বেড়ার কোলে কোলে সুপুরি-গাছের সারি। তার মধ্যে একটা গাছ ন্যাড়া। টানা বাতাসে সেও অন্যগুলোর সঙ্গে এক-একবার মাথা দোলাচ্ছে।

চক্রবর্তীমশাই পাড়ার মোড়ল। সকলে তাঁকে সমীহ করে। গোল ভুঁড়িটা বার করে একখানা বড় জলচৌকি জুড়ে তিনি বসে আছেন।—হাতে ছঁকো। তাঁর পাশে তক্তাপোষে মাদুরের ওপর পাড়ার ভদ্ররা সকলে বসেছেন। আর, তাঁদের সামনে বারান্দার নিচে, উঠোনে, বাদী ও আসামী দুই-ই হাজির। কেবল আসামীদের সর্দার ভোষোল পলাতক।

বাদী হলো বাজারের কাঠগোবায় মজুমদার।



এমনিতেই চক্রবর্তীমশাইয়ের গলার স্বর মৌচা। তা আরও মৌচা করে ছেলেদের মধ্যে একজনকে তিনি বললেন,—‘এই টগুরা, হাঁদিকে আয়।’

সকলেই জানে টগুরা ভাল ছেলে, দৌড়-ঝাঁপ করতে পারে না; এক জায়গায় বসে থাকতে ভালোবাসে। সে চক্রবর্তীমশাইয়ের কাছে ভয়ে ভয়ে গবে এলো। চক্রবর্তীমশাইয়ের তিক পাশটিতে বসেছিলেন, টগুরার বাবা। তিনি বাবের মতো রুক্ষ চোখে তাঁর দিকে তাকালেন।

মজুরদের দেখিয়ে চক্রবর্তীমশাই জিগোস করলেন—‘তিক করে বন্, তোরা ওদের একখানা ডিঙি ডুবিয়ে দিয়েছিস্ ?’

টগুরা একবার আড়চোখে তার বাবার দিকে তাকালো। তারপর ঢোক গিলে বললে,—‘না—হাঁ—মানে ডিঙিখানা আপনিই ডুবে গেছে—’

চক্রবর্তীমশাই একটু রসিকতার স্বরে জিগোস করলেন,—‘ডিঙি কুমীর না কচ্ছপ যে কুল থেকে মাঝ গাঙে সাঁতরে গিয়ে ডুবে গেল ?’

টগুরার বাবা ধমক দিলেন,—‘মিছে কথা বলা হচ্ছে? তোহ্লার সঙ্গে মিশে একেবারে গোলায় গেছ।’

চক্রবর্তীমশাই বললেন,—‘আচ্ছা, কথাটা বার করছি।’ তারপর বড় বড় চোখ করে ডাকলেন,—‘এই ফেকু, হাঁদিকে আয়।’

ফেকু তাঁর ভাগে! একরত্তি ছেলে সে। তাঁর গলার আওয়াজ এক পয়সার মটরা বাঁশির মতো। সেও ভেঝোলদের দলে ছিল। চক্রবর্তীমশাইয়ের মুখের দিকে তাকিয়েই সে পিঁকু করে কেঁদে ফেললো, কাঁদতে কাঁদতে বললে,—‘আর করবো না মানা।’

চক্রবর্তীমশাই বললেন—সে তো পরের কথা। কী হয়েছে বন্ দেখি।’

—‘কী হয়েছে? ডিঙি ডুবে গেছে।’

—‘কী করে?’

—‘কী করে? ডুবে করে।’

—‘বটে—এ। তার আগে কী হয়েছিল?’



—‘তার আগে কী হয়েছিল?’ সে কাপড় চিবুতে চিবুতে একবার এদিক ওদিক তাকিয়ে বললে,—‘এই, ভোম্বোলদা—না, ভোম্বা—সিদিন আমরা বাজারে বায়স্কোপে রুশ-জাপানের জলযুদ্ধের ছবি দেখে এলে, সকলকে বললে, ‘কাল আমরাও ঐ রকম জলযুদ্ধ করবো।’ রাখাল বললে, ‘জাহাজ পাবে কোথা?’ ভোম্বোলদা বললে, ‘জাহাজের আবার তাবনা? কাঠগোলার মজুরদের ডিঙি চড়ে যুদ্ধ হবে।’ তাই আজ সকালে মজুরদের দু’খানা ডিঙি খুলে নিয়ে তাতে চড়ে মাঝগাঙে গিয়ে আমরা দু’দলে যুদ্ধ করছিলাম। যুদ্ধ করতে করতে—বলেই ফেকু হেসে ফেললো। ছেলের দলও খুক্ খুক্ করে হাসতে লাগলো।

তাদের হাসিতে চক্রবর্তীমশাইরা আরও গম্ভীর। দত্তমশাই লাঠি উঁচিয়ে ভাঙা গলায় হুঙ্কার দিলেন—‘সব চুপ্! জানো, কত বড় অপকর্ম করেছে?’

চক্রবর্তীমশাই জিগ্যাস করলেন,—‘তারপর?’

ফেকু বললে,—‘তারপর? ভোম্বোলদা—না, ভোম্বা—আমাদের ডিঙি থেকে টগুরাদের ডিঙিতে মানকেকে লগি দিয়ে খোঁচা দিতেই বোদে লগি ঝরে একটানে ডিঙিসুদ্ধ কাতু করে দিলে। ডিঙিখানা অবনি উল্টে গিয়ে শ্রোতের টানে ভেসে গেল—’

—‘সেই ডিঙিতে যারা ছিল, তাদের কী হলো?’

—‘তারা জলে ঝাঁপিয়ে পড়ে ডিঙির চারধারে সাঁতার কাটতে লাগলো—! কেউ কেউ সাঁতরে মানকেদের ডিঙিতে উঠলাম।’

—‘ভোম্বা?’

—‘সে উঠলো না। চেষ্টা করে বললে, ‘আমি সেনাপতি। আমার দলের সকলে রক্ষা না পেলে আমি উঠবো না।’ সে লানু আর মোংলার সঙ্গে সাঁতরে গিয়ে মালাপাড়ার ঘাটে উঠলো—’

হারান চাকীমশাই বলে উঠলেন—‘এঁ:। ব্যাটা একেবারে জাপানী অ্যাডমিরাল ভোগো। উঠবেন না। বর্বার জল খে খে ভরা নদী। কুমীর-বেঁশেলে নদীটা এমন বোঝাই—তিনি উঠবেন না। কী ভয়ানক পাঞ্জী! আজ আসুক একবার বাড়ি। মেয়ে—’ বলেই তিনি ভোম্বালের উদ্দেশ্যে হাওয়ার খুব জোরে এক চড় মারলেন।

তোমোল তাঁর ভাইপো। তার মা-বাবা কেউ নেই।

সেদিন বিচার আর এগোলো না। চক্রবর্তীমশাই মজুরদের বললেন, —‘তোরা কাল আসিস্ রে। আসল দোষী যে সে-ই পালিয়েছে। তাকে ধরিস আগে।’ তারপর ছেলেনদের দিকে চোখ বড় করে তাকিয়ে বললেন, —‘যা সব অন্ধ কষ তো। প্রত্যেকে দেড়শ’টা করে বুদ্ধির অন্ধ কষবি।’

বেলা তখন চারটে। রেললাইনের ধারে মুগীপাড়ার মাঠে সেদিন তাদের বড় এক ফুটবল মাঠ হবার কথা। প্রতিদ্বন্দ্বী হচ্ছে, থানা-পাড়ার টীম। কসাই-বাড়ি থেকে খাসির চবি কিনে বলটাতে বেশ করে মাখানো হয়েছে; স্নাডারের ‘লিক’ তিনটেও ‘সলিউসান’ দিয়ে সারা গেছে—এখন সব মাটি।

ছেলের দল শান্ত হুঁবোধের মতো যে যার বাড়ি চলে গেল। এক রক্ষা যে, অন্ধের বইয়ে দেড়শ’টা বুদ্ধির অন্ধ নেই। তাদের রাগ হলো সর্দারের ওপর। তার জন্যেই সকলের এমন শাস্তি। তিনি বেশ মজা করে সরে পড়েছেন।

কিন্তু দোষ করলে শাস্তি ভোগ করতেই হবে।

জায়গাটি ছোট শহর—উত্তরে নদী, দক্ষিণে রেল-লাইন। কিন্তু শহরের মধ্যে গ্রামের মতো এখানে-সেখানে ঝোপ-ঝাড়, বাঁশবন ও বড় বড় গাছ। সন্ধ্যা হলোই এদিক-ওদিক থেকে শিয়ালের পাল হেঁকে ওঠে, ঝিঁঝিঁগুলো ঝাঁ ঝাঁ করে, জোনাকীর ঝাঁক যেন লণ্ঠন দুলিয়ে শূন্যপথে চলে-ফিরে বেড়ায়।

তবে বাজারটা বেশ বড়। সেখানে মাড়োয়াড়ীদের কাপড়ের দোকান ও বড় বড় কাঠগোলা আছে। নদী-পারে গ্রামগুলো থেকে মজুরেরা রোজ ভিঙিতে চড়ে কাঠগোলায় কাজ করতে আসে। তাদের ভিঙিগুলো তখন থাকে ঘাটে বাঁধ। আবার সন্ধ্যায় কাজ সেরে ভিঙি-গুলোতে চড়ে সারি গেয়ে তারা নদীপারে ঘরে ফিরে যায়। তারা গায়—কেঁদে গোরী কয়, মাগো।

শম্ভুও প-অ-রি-ই-তে ইচ্ছা হয়—

আর, বৈঠা পড়ে তালে তালে—ঝপ্ ঝপ্ ঝপ্।

দুই

অন্ধকারে

বিচার-সভা ভাঙবার পর প্রায় ষণ্টা তিনেক কেটে গেছে। সেদিন ফুটবল মাঠ আর হয়নি।

সন্ধ্যাও যোর হয়ে এসেছে। গোপীনাথ-বাড়িতে আরতির কাঁসর-ঘণ্টা চঙা-চঙ বেজে উঠলো। শব্দটা অনেক দূর তেজে যায়। নদী-পারে গাঁয়ের লোকেরাও সে শব্দ শোনে। আরতির পর বাতাস দেবার পালা। সেজন্যে পাড়ার ছেলেনদের কেউ কেউ পড়া কামাই করে সেখানে আসে। পূজারী-ঠাকুরের সঙ্গে ডাব থাকলে দু-একখানা বাতাস বেশি পাওয়া যায়। কিন্তু ঠাকুর তারি চালাক; সকলের সঙ্গে ডাব করে না।

দত্তদের বাড়ির মানকে বাতাসার লোভে পড়া কামাই করে তখন মন্দিরে এলো। সে মন্দিরের দর-দালানে উঠে দেখে, অনেক লোক বসে। মন্দিরের ভিতরে একটা মস্ত পিতলের পিলস্বজের মাধ্যম রেড়ীর তেলের একটা বড় প্রদীপ জ্বলছে। কিন্তু বাইরের দর-দালানটায় আবছায়া অন্ধকার। অন্ধকারে সকলকে ঠিক চেনা যায় না। তবে চেনা মানুষকে চিনতে ভুল হয় না।

মানকে দালানের এদিক-ওদিক ঘুরে দেখলো, ডানদিকের মোটা ধামটার পাশে শাদা-মতো একটা যেন কী। জিনিষটা সে কিছুক্ষণ লক্ষ্য করলো। তবুও বুঝতে পারলো না কী সেটা। সে আন্তে আন্তে তার কাছে গিয়ে ঝুঁকে দেখে, একটা মানুষ কাপড় মুড়ি দিয়ে বসে আছে। মানুষটাও যেন তাকে দেখেই জড়গড় হয়ে বললো।

এবার মানকে হঠাৎ ঝিল্ ঝিল্ করে হেসে উঠলো; বললে,—‘কী রে ভোম্বলা, এখানে পালিয়েছিলি?’

উত্তর হলো,—‘চুপ!’

—‘কেন? কেউ নেই এখানে! তুই সারাদিন কোথায় ছিলি রে? আমরা কত খুঁজেছি—’

—‘নীলকুঠীতে।’

নীলকুঠীটা একেবারে শহরের শেষে নদীর ধারে। অনেক—অনেক কাল আগে সেখানে নীলের কারখানা ছিল। এখন কেবল প্রকাণ্ড একটা ভাঙা পাকাবাড়ি। নীল পচানো মত্ত মত্ত চৌবাচ্চা ও একখানা ভাঙা ইন্‌জিন্‌ সারা গায়ে মরচে ও ধুলো-মাটি নিয়ে পড়ে আছে।

জায়গাটা খুব নির্জন। তার ওপর গোটা দুই বড় বড় কয়েংবেল ও একটা ঝাঁকড়া অশুধ্‌ গাছের ছায়ায় মনে হয় সেটা ভূতের রাজ্য। তিক দৃপ্তেও সেখান দিয়ে গেলে গা ছুঁ ছুঁ করে। লোকে বলে, নীলকুঠীটার বড়কর্তা বুল্‌ সাহেব নাকি জায়গাটার ময়া ছাড়তে না পেরে রাতের বেলা কবর থেকে উঠে সেই ভাঙা দালানের ফাটা ছাদের আলসের লম্বা লম্বা পা ঝুলিয়ে বসে খুব মোটা গলায় ইংরেজী গান গায়। আবার, কোন কোন রাতে শাদা প্যান্টলুন পরে চৌবাচ্চাগুলোর ধারে ধারে শিমালকাঁটা, কালকাঁসন্দী ও তাঁটজঙ্গলে লাঠি হাতে বুয়ে বেড়ায়!

মানকে বললে,—‘তোর ভয় করে নি?’

—‘ভয় আবার কী?’

তখন আরতি শেষ করে, শীখ বাজিয়ে ঠাকুর মন্দিরের দরজা বন্ধ করে দিলে। ভেতরে বাতাসা-ভোগ হচ্ছে।

মানকে জিগ্যেস করলো,—‘বাড়ি যাবি নে?’

—‘না! কিন্তু তোরা আমায় খুঁজেছিলি কেন?’

—‘নিধু চক্রবর্তীমশাই আর তোরা কাঁকা আমাদের পাঠিয়েছিলেন।’

ভোম্বোল তার কাঁকাকে খুব ভয় করে। তিনি সা-বাবুদের চরমাদারিপূরের নামেব। কিছুদিন হলো ছুটি নিয়ে বাড়ি এসেছেন। কালই আবার চলে যাবেন। পুজোর সময়ে এবার মাদারিপূরে না থাকলে চলবে না। ভোম্বোলকে সেদিন কাঁকা ককিপেটা করে বার বাড়িতে আমতলায় শুইয়ে ফেলেছিলেন। অনেক লোক রাত্তায় দাঁড়িয়ে সে মার



দেখেছিল। ভোম্বোলের গায়ে সে যারের ব্যথা আর নেই; কিন্তু তার লজ্জা আজও সে ভুলতে পারলো না। আবার সেই বাঘের মুখে।

সে বললে,—‘মানকে, তুই সরে যা আমার কাছ থেকে। এক্ষুনি সকলে টের পাবে আমি এখানে।’

—‘কেউ টের পাবে না।’

ভোম্বোল রুদ্ধ স্বরে বললে,—‘পাবে! সরে যা—’

মানকে ভয়ে ভয়ে সরে গেল। ভোম্বোলের কথার অবাধ্য হ’লে হয়তো এখনি পেটে একটা ঘৃসি খেতে হবে।

ভোম্বোল আবার কাপড় মুড়ি দিয়ে বসলো।

ঠাকুরও মশিরের দরজা খুলে ধামা হাতে দালানে বেরিয়ে এলো। ধামায় বাতাসা। ঠাকুর ধামা থেকে বাতাসা তুলে সকলের হাতে হাতে দিতে লাগলো। ঘুরতে ঘুরতে সে এলো ভোম্বোলের কাছে। তাকে সেই অবস্থায় দেখে মনে করলো, কোন ভক্ত একমনে গোপীনাথের নাম জপ করছে। একসঙ্গে ধান ছয়েক বাতাসা তুলে বললে,—‘নঅ।’

ঠাকুরের বাড়ি ওড়িশার পুরী জেলায়।

ভোম্বোল হাত বাড়িয়ে বাতাসাগুলো নিয়ে আনন্দে নড়ে-চড়ে বসলো। একসঙ্গে এতগুলো বাতাসা সে কোনদিনও পায় নি।

ঠাকুর সেখান থেকে সরে যেতেই মানকে এসে জিগেস করলো,—‘এই, ক’খানা বাতাসা পেলিরে?’

—‘এক মুঠো।’

—‘কৈ দেখি।’

—‘আর দেখে না।’

মানকে চাই করে সরে গিয়ে বললে,—‘আমি বাড়ি যাচ্ছি।’

—‘খবরদার! আমার কথা কাউকে বলিস্ নে।’

মানকে একখানা বাতাসা মুখে পুরে বললে—‘বলবো?’ ব’লেই সিঁড়ি দিয়ে তাড়াতাড়ি নেমে অন্ধকারে মিলিয়ে গেল।

ভোম্বোলও আর সেখানে থাকলো না।

গোপীনাথ মন্দিরের উত্তরে খালি দোলমঞ্চ। মন্দিরের দানান থেকে নেমে ফুল-বাগানের পাশ দিয়ে দোলমঞ্চের বেদীর আড়ানে গিয়ে বসে ভোষোল নিশ্চিত মনে বাতাসা খেতে লাগলো।

কিছুক্ষণের মধ্যেই মন্দিরের দরজা বন্ধ হয়ে গেল। ভজরা সকলে বাতাসা নিয়ে যে যার বাড়ি চলে গেছে। চারধার অন্ধকার। ঝাঁ ঝাঁ ডাকছে, জোনাকী উড়ছে, দস্তদের ডোবা-বোঝাই ব্যাঙগুলো পান্না দিয়ে করছে—কঁা—কঁা—কঁা—কঁা—কঁা—কঁা—

ভোষোল অন্ধকারে এদিক-ওদিক তাকাতে তাকাতে দেখলো, মানকেদের বাড়ির দিক থেকে একটা আলো আসছে। ওদের বাড়ির ঝান তিনেক বাড়ি পরেই ভোষোলদের বাড়ি।

ভোষোল আলোটার দিকে তাকিয়ে রইলো। তার কাকা কী? ভোষোল ভাবলো, মানকেটা শিশুচয়ই বাড়ি গিয়ে ব'লে দিয়েছে। 'ভূত-উল্লুক—ভেঁদড়—'

ঐ তো আলোটা ক্রমে মন্দিরের দিকেই আসছে। তার কাকার গলাও শোনা গেল। তিনিই ডাক দিলেন,—'ভোষো—ও—ও—ন। ভেমা—আ—আ—'

ভীরা তাকে ঝুঁজতে বেরিয়েছেন।

ভোষোল তাড়াতাড়ি উঠে কোমর বাঁধলো। তারপর মঞ্চটার নিচে নেমে রেল-লাইনের দিকে দিলে চৌঁচা দৌড়।

তিন
পাখি

সামনেই গোয়াল-পাড়া।

মাঝে মাঝে ঘি, মাখন আর গোবরের গন্ধে পাড়াটা বেশ মশগুল হয়ে ওঠে। রেল-লাইনটা গোয়ালাদের বাড়ি-ঘরগুলোর ওধারে। ফুল গোয়ালার বাড়ির কোল দিয়ে গেলে লাইনে পৌঁছানোর পথটা কম হয়।

ভোষোল বেতে বেতে দেখলো, ফুলুর বাড়ির বাঁ-উঠোনে লট্‌কানা গাছের তলায় ফুলু আর তার ভাই হনি মস্ত একটা হাঁড়িতে খোল মইছে—ম্ ম্ ম্। সেটে ঘরখানার বারান্দায় প্রচুর কালো ধোঁয়া ছেড়ে কেরোসিনের একটা চি্বনি জ্বলছে। আরে! ঐ যে আলোর কাছে ব'সে ফুলুর ছেলে যদু। সে ভোষোলদের ক্রাসে পড়ে। একদিনও পড়া পাবে না, কেবল কানমলা খায় আর নীল-ডাউন হয়। 'ঘোদোটা' যেন কী করছে। সে বেড়ার ধারে সরে গিয়ে, বাঁশের বাতার ঝাঁক দিয়ে দেখলো, 'ঘোদো' একখানা বাঁকের মাথায় দড়ি পরাচ্ছে। তার ইচ্ছে হলো, 'ঘোদোকে' একবার ডাকে। ও সেদিন তাকে এক ডেলা মাখন খেতে দিয়েছিল। কিন্তু এখন ওর বাবা আছে। লোকটা ভাবী শয়তান! তাকে মাখন তো খেতে দেবেই না, বরং চেপে ধ'রবে। দরকার নেই মাখন খেয়ে।

সে লাইনের দিকে এগিয়ে গেল। রাস্তার শেষেই গুমটি। গুমটির লম্বা লোহার গেটের ওপর একটা আলো জ্বলছে, টক্‌টকে লাল। গেট বন্ধ। বোধহয় কোন গাড়ি আসছে। কিন্তু এখন আবার কী গাড়ি আসবে? হয়তো মালগাড়ি। সে গিয়ে গেটের একটা রেলিংয়ে উঠে দাঁড়ালো।

দু'পাশে তারের বেড়া; মাঝদিয়ে লাইন। লাইনের দু'পাশে কুশ-খড়। তার মধ্যে চামরের মতো কাশফুল ফুটেছে। এখন

গেগুলো দেখা যাচ্ছে না; কিন্তু দিনের বেলা পেখায় সুল্লর। বাতাসে
হেলেন-সোল, ডেউ খেলে।

ভোষোল একবার ভাবলো, লাইনের ওপর দিয়ে স্টেশনে যাবে।
স্টেশনটা ভো বেশি দূরে নয়। ঐ যে সিগন্যালের আলো দেখা যায়,
যেন গোটা কয়েক লাল, সবুজ তারা পৃথিবীতে নেমে এসেছে। কিন্তু
রাত্রে লাইনের ওপর সাপ শুয়ে থাকে। সেদিন মন্ত একটা গোখরো
সাপ গাড়িতে কাটা পড়েছিল।

হঠাৎ সে শুনলো, গেটের কাছে ভাঁট জঙ্গলে শব্দ হচ্ছে, হিন্
হিন্। সাপ নাকি? সে তাড়াতাড়ি গেটের একেবারে মাথায় উঠে
রেলিংয়ের দু'পাশে পা খুলিয়ে ব'সে ভাঁট জঙ্গলটার দিকে তীক্ষ্ণ চোখে
তাকিয়ে রইলো। কিন্তু অন্ধকারে কিছুই দেখা যায় না! তলে শব্দটাও
আর শোনা যাচ্ছে না; কেবল চারধারে ব্যাঙ ও ঝিঁ ঝিঁ ডাকছে।

তবু তার নিচে নামতে সাহস হলো না—বদি সাপটা গেটের তলায়
এসে থাকে।

সে সাপটাকে তাড়াবার জন্যে বার কয়েক হাততানি দিলে। শব্দ
করলে সাপ পালায়। তারপর কান পেতে শুনতে লাগলো। না—আর
শোনা যাচ্ছে না। সাপটা হয়তো সরে গেছে। কিন্তু আবার ঐ
কঁচাচ-কঁচাচ ও ফৌঁস-ফৌঁসানি শব্দ কিসের?

সে ষাড় ফিরিয়ে দেখলো, গেটের ওধারে একখানা গরুর গাড়ি
এসে দাঁড়ালো, বেন ভূতের গাড়ি। গরু দুটোর চোখগুলো
অস্পষ্ট আলোয় একবার চক্‌চক্ করে উঠলো। গাড়োয়ান হাঁক
দিলে—'গুমাট খুলে দাও গো—ও—ও—'

গুমাট ঘর তখন বন্ধ। গুমাটওয়ালো বোধহয় বাড়িতে ভাত খেতে
গেছে। কে তাকে গুমাট খুলে দেবে? লাইন-পারে বাঁশবন। তার
তলায় জোনা-পাড়া। গুমাটওয়ালো হলো ছিক জোনার বাবা চরনদি।
লোকটার ডান হাত কনুই অবধি কাটা। সে ভোষোলকে চেনে।

গাড়ি দেখে ভোষোলের মনে সাহস হলো। আবার ভয়ও হলো,
ছিকর বাবা তাকে দেখে এখনই হয়তো বাড়িতে ধর দেবে। সে গেট
থেকে নেমে লাইন পার হয়ে কাঁচা রাস্তায় পড়লো।



দুপুরে বৃষ্টি হয়েছিল। সেই জল রাস্তাটার মাঝে মাঝে জমা হয়ে আছে। ভোম্বোল চলেছে স্টেশনের দিকে। চলতে চলতে তার পা জলকাদায় বসে যায়। একবার একটা শিয়াল তার প্রায় গায়ের ওপর দিয়েই ছুটে পালানো। শিয়ালটাকে জোনাদের দুটো কুকুর তাড়া করেছে। শিয়ালটা পালানোতেই তার ভোম্বোলকে তেড়ে এলো। কী বিপদ! কিন্তু নেতী কুকুরের রোধ শিকারের বিশ হাত তফাৎ অবধি। কুকুর দুটো কেবল ডাকতেই লাগলো। ভোম্বোল সেখান থেকে এগিয়ে পাকা রাস্তায় উঠলো। রাস্তার ধারে মাঝে মাঝে মিটমিটে কেরোসিনের আলো। তবে স্টেশন আর বেশিদূর নয়। ঐ যে তার বাইরে রাস্তার একধারে খাবারের দোকানগুলো দেখা যাচ্ছে—আলো জ্বলছে। লোক চলা-ফেরা করছে।

ভোম্বোল স্টেশনে পৌঁছে প্ল্যাটফর্মের এদিক-ওদিক কিছুক্ষণ ঘুরে বেড়ালো। তখন কোন গাড়ি নেই। প্ল্যাটফর্ম প্রায় অন্ধকার। আলো জ্বালাবে গাড়ি আসবার কিছু আগে। দু-একজন যাত্রী কাপড় পেতে পৌঁটলো মাথায় দিয়ে এদিক-ওদিক সুরে আছে। কেউ কেউ বসে বিড়ি কুঁকছে, গল্প করছে।

একটা ছোকরা পানওয়ালা ভোম্বোলকে জিগ্যেস করলো,—‘তুই কে রে?’

ভোম্বোল চোখ-মুখ রাঙা করে বললে,—‘তুই কে রে?’

—‘তুই কে আগে বল।’

—‘চুপ্। এক ঘুসিতে দাঁত ভেঙে দেবো—

লড়াইটা বাধে আর কী! ভোম্বোলের চোখ দিয়ে আগুন ঠিকরে পড়ছে। সে ঘুসি পাকিয়ে দাঁড়ালো।

ছোঁড়াটা বেগতিক দেখে ‘ও দাদা, মেরে ফেললো’ বলে চীৎকার করতে করতে স্টেশনের বাইরের দিকে দিলে ছুট।

রগক্ষেত্রের কিছুদূরে ডাক রাখবার কাঠের একটা খুব বড় সিন্দুক ছিল। ভোম্বোল গিয়ে তার ওপর উঠে পা ঝুলিয়ে বসলো।

সে আর বাড়ি যাবে না। রাত দুটোর একখানা গাড়ি আছে। গাড়িখানা যায় কোলকাতায়। সেই গাড়িতে সে কোলকাতায় যাবে। তারপর, সেখান থেকে চলে যাবে টাটানগর। সেখানে তার সঙ্গী জিতেন থাকে।

জিতেন গত বছর স্কুল থেকে সার্টিফিকেট নিয়ে তার বাবার সঙ্গে সেখানে চলে গেছে। তার মুখে সে টাটানগরের কারখানার অনেক গল্প শুনেছে। ভোম্বোল কারখানার কোন একটা কাজে সেগে পড়বে। তার গায়ে খুব জোর; সে ধর্মাম হাতুড়ি পিটবে, লোহা-লকড় ঠেলবে—একদিন হয়তো একখানা মোটরগাড়ি, ডুবোজাহাজ বা এরোপ্লেনও তৈরি করে ফেলতে পারে। ইনজিনীয়ার আর কারিগরেরাই তো বিশুকর্মা!

তার আগে এখন কিছু খাবার পেলে ভাল হোত। খেয়েছে সেই কোন্ সকালে। তাও কাকার ভয়ে পেট ভরেনি। পয়সা থাকলে কয়েকটা চচ্‌খু খাওয়া যেত। গায়ে শুকনো স্মীরের গুঁড়ো মাখানো চচ্‌খুগুলো খেতে যা গ্র্যান্ড্‌ !

সে সিন্দুকটার ওপর থেকে নেমে খানিকক্ষণ এদিক-ওদিক ঘুরে বেড়ালো। স্টেশনটা ক্রমে নিখুম হয়ে পড়েছে। রেলের বাগুরের কেউ কেউ অফিসঘরের ছাত্র-পোকাভরা টেবিলগুলোর ওপর বিছান বিছিয়ে ঘুম দিচ্ছেন। মাঝখানে জলছে, মস্ত চৌকো লন্ঠন। কোথাও বিশেষ কোন সাড়া নেই। কারুরক চলা-ফেরা করতেও দেখা যাচ্ছে না। কেবল স্টেশনে চোকবার মুখে বড় রাস্তার ধার থেকে সেতারের আওয়াজ আসছে।

ভোম্বোল স্টেশন থেকে বেরিয়ে দেখে, হাদেক ব্যাপারীর পাটের আড়তের এপাশে অশুখতলায় ধুনী জলছে। ধুনির ওধারে বসে দু'জন হিন্দুস্থানী সন্ন্যাসী, এধারে জন কয়েক লোক—বোধহয় সন্ন্যাসীদের চেনা। ধুনির আঙনের আভায় মনে হচ্ছে, যেন কয়েকটা ভুত বসে।

সন্ন্যাসী দু'জনেরই একজন সেতার বাজাচ্ছে; তার সঙ্গে তাল দিয়ে চিসটে বাজাচ্ছে অপর জন। সেতারের সুরটা ভোম্বোলের চেনা। সে তার স্কুলের খোঁটা মালির মুখে বার কয়েক এ সুর শুনেছে।

ভোম্বোল রাস্তা পার হয়ে গুটি গুটি সেখানে গিয়ে দাঁড়ালো। সুরটা মিঠে ও ভাল, কিন্তু লোকগুলোর চেহারা ভাল নয়। দেখলেই মনে হয়, তার গুণ। তবে গুণ হলেই বা তার কী? তার কাছে পয়সা-কড়ি তো কিছু নেই।

সে তাদের পাশে দাঁড়াতেই একজন তীক্ষ্ণ চোখে তার দিকে তাকালো। মুখে কিছু বললে না। ভোম্বোল চুপ করে দাঁড়িয়ে বাজনা শুনতে লাগলো। প্রায় অধঃপটা পরে সেতার থামলো। ভোম্বোলের মাথায় তবুও সে সুরের স্বরকার থামলো না; কেবলই বাজতে লাগলো—
রিম্-ঝিম্ কাঁটা-কাঁটা, রিম্-ঝিম্ কাঁটা-কাঁটা—

যে সন্ন্যাসীটা চিসটে বাজিয়ে তাল দিচ্ছিল, সে তার পিছন থেকে দুটো পাকা নাসপাতি নিয়ে ভোম্বোলকে বললে,—‘এ লে কে ডাগো বোটা!’

লোকগুলোর একজন ধুনি থেকে এক টুকরো জলন্ত কয়লা একটা লম্বা কলকের মাথায় তুলতে তুলতে রুক্ষ ভাঙা গলায় বললে,—‘ভাগু বে!’

ভোম্বোলও সেখানে আর দাঁড়াতে চায় না। লোকগুলো যে খুনে বদমাইশ তাতে আর ভুল নেই। সে সন্ন্যাসীর হাত থেকে নাসপাতি দুটো নিয়ে স্টেশনের ভেতরে চলে গেল।

তারপর সেই সিন্দুকটার মাথায় উঠে বসে গন্ধ স্তম্ভে দেখলো—
চমৎকার! আকারেও বেশ বড়। সে একবার সেতারের সুর নকল করে—‘রিম্-ঝিম্ কাঁটা-কাঁটা’ বলেই একটা নাসপাতিতে কামড় দিলে। সেটা খাওয়া হয়ে গেলে বাকিটাও খাবার লোভ হলো। কিন্তু তা'হলে কাল খাবে কী? তুলেই রাখা যাক্। সে সেটাকে কাপড়ের খুঁটে শক্ত করে বেঁধে দেখে এলো ক'টা বাজে।

রাত তখন কাঁটায় কাঁটায় বারোটা। গাড়ি আসবার দু'ঘণ্টা দেরি। এই দু'ঘণ্টা খানিকটা ঘুমিরে নেওয়া যেতে পারে। তবে যদি ঘুমটা গাট্‌ হয়ে যায়! সেই ফাঁকে গাড়িখানা চলে গেলে কী হবে? কিন্তু ঘুম গাট্‌ই বা হ'বে কেন? লোকজনের চাঁৎকারে,

গাড়ির দরজা বন্ধ করে বার ধপ-ধপানি আর ইনজিনের ফৌস-ফৌসানিতে কী ঘুম ভাঙবে না? নিশ্চয় ভাঙবে। সে পড়েছে, নেপোলিয়ী মোড়ার পিঠে বসে দু-দশ মিনিট ঘুমিয়ে নিতেন। নড়াইয়ের মাঝেও তাঁর গাট ঘুম ফুটত। এ তো বইয়ে পড়া। সে চোখেও দেখেছে, তাদের ভূগোলীর মাস্টারমশাই জগতবাবু ক্লাসে পড়াতে পড়াতে হাতলহীন পিঠ ভাঙা চেয়ারটায় বসে কেমন নাক ডাকিয়ে ঘুমান। আবার 'পিরিয়াড' শেষ হবার ঘণ্টা বাজবার আগেই উঠে পড়েন। তবে সেই বা বেশি ঘুমোবে কেন? সে বাক্সটার ওপর সটান শুয়ে চোখ বুজে পড়ে রইলো।

কিন্তু মশার উৎপাতে প্রথমটা ঘুম হলো না। মশার ঝাঁক কানের কাছে পিঁ-পিঁ করে, হাতে পায়ে কামড়ায়। একটা তার নাকের ভগায় বসে এমন কামড় দিয়েছে যে, নাকটা অলে যাচ্ছে। সে তাদের কামড় থেকে রক্ষা পাবার জন্যে আগাগোড়া কাপড় মুড়ি দিয়ে মরা চিংড়ির মতো হাঁটু ভেঙে কুঁকড়ে শুয়ে রইলো। তাতেও কী রক্ষা আছে? তবুও সেই ভাবে শুয়ে থাকতে থাকতে সে ঘুমিয়ে পড়লো।

তারপর হঠাৎ ঘুম ভাঙলে দেখে, চারধারে লোকজন ছুটোছুটি ও চাঁৎকার করছে—গামনে একখানা ট্রেন দাঁড়িয়ে। তার ইঞ্জিনখানা করছে—সোঁ—সোঁ—ও—ও!

সে ধড়মড় করে উঠে সিন্দুক থেকে এক লাফে নেমে ছুটে গিয়ে একটা কামরায় উঠে পড়লো। সঙ্গে সঙ্গে ছইসল্ দিয়ে গাড়িও দিলে ছেড়ে।

চার দেশছাড়া

ছোট কামরা—যাত্রীও বেশি নেই। যারা ছিল, তাদের জন কয়েক বেঞ্চি দখল করে শুয়ে আছে। একজন এক কোণে জানলার ধারে ব'সে বিড়ি ফুকছে। যারা শুয়েছিল, তাদের একজন জিগোস করলো,— 'ছামনে কোন ইন্সটেশন গো?'

যে লোকটা বিড়ি ফুকছিল, সে ধোঁয়া ছাড়তে ছাড়তে বললে,— 'সাতকোদালে।'

'ও চাচা—চাচা—ওঠো গো'—বলতে বলতে লোকটা উঠে বসলো।

ভোরেল এতক্ষণ স্টেশনের দিকে মুখ বাড়িয়ে ছিল। গাড়ি প্ল্যাটফর্ম ছাড়িয়ে মার্চে এসে পড়লো। অমানি হুহ করে ঠাণ্ডা বাতাস ছুটে এলো। একী! চারধার ফর্সা! রাত দুটোর গাড়িখানা চল গেছে? সে এত ঘুমিয়েছিল?

এ গাড়িখানা তো কোলকাতায় যার না, কোলকাতা থেকে আসে। সে তাহলে গৌরালন্দর দিকে চলেছে? যা! সব গোলমাল হয়ে গেল।

এই গাড়ির শব্দ এক-একদিন তার ঘুম ভেঙে গেছে। সে শুয়ে শুয়ে চোখ মেলে দেখেছে। চালের আড়ার ফাঁক দিয়ে ভোরের আলো দেখা যাচ্ছে। তাদের চাঁপা গাছের ডালে বসে কাক ডাকছে। লেবুতলায় দোয়েল শিশু উইলো; আর, পাশের বাড়িতে নীলমণি উকিলের মুছরি স্বরেন চানী কাছারিঘরের করাসে শুয়ে শুয়েই হাই তুলতে তুলতে বলছে,— 'দুর্গা। দুর্গা।'

ভোরেল জানলা থেকে সরে এসে বেঞ্চিতে বসলো। একটু শীত শীত করছে। সে কোঁচার কাপড়টা কোমর থেকে খুলে পায়ে

দিলে। খুঁটে বাঁধা নাসপাতিটা তার পিঠের একপাশে রইলো যেন একটা আঁব।

যে লোকটা এতক্ষণ বিড়ি ফুঁকছিল, সে বার দুই ভোষোলের দিকে তাকিয়ে জিগোস করলো,—‘তুমি কোথা যাঁবা গো?’

ভোষোল বললে,—‘টাটানগর।’

লোকটা টাটানগরের নামই শোনেনি; চোখ পাকিয়ে জিগোস করলে,—‘সে কুন দিক?’

দিকটা ভোষোলেরই ভুল হয়ে গেছে। সে বললে,—‘ঐদিক।’

—‘ত’লি ইদিক যাচ্ছে য়ে?’

ভোষোল উত্তর দিলে না।

লোকটা জিগোস করলে,—‘তুমি ইস্কুলির ছাত্র?’

ভোষোল ঘাড় ঝাঁকি দিয়ে বললে,—‘হ্যাঁ—’

লোকটা এবার বেশ ভাল ক’রে ভোষোলের পা থেকে মাথা অবধি দেখলো; তারপর বললে,—‘বাড়ি থেকে পালিয়ে এয়েছো বুদ্ধি?’

ভোষোল চুপ করে রইলো। গাড়ি তখন ‘ধর না কেন—ধর না কেন’ করতে করতে বেশ জোরে ছুটছে। দেখতে দেখতে সকাল হয়ে গেল। পূবদিক লাল; রোদ ওঠে ওঠে। সাতকোমালে পিছনে অনেক দূরে পড়ে আছে। সেখানে গাড়ি দাঁড়ায় না। সামনে ট্যাংরামারি। ঐ তার বিল দেখা যায়। বিলের ওপর দিয়ে বক উড়ে যাচ্ছে; গাং-চিলেরা ঘুরপাক দিচ্ছে; লম্বা, সরু পা ফেলে পদ্মা পাতার ওপর দিয়ে হেঁটে চলেছে, ডাছক। এখন বর্ষার শেষ; এসেছে শরৎ। বিলে জল ষৈ ষৈ করছে। দেখাচ্ছে, যেন একটা সমুদ্র। বিলটার নাম, মকর। মকর বিল মাছে ভরা। এ সময়টায় জেলেরা দক্ষিণ কোণের খাল দিয়ে মাছ ধরতে আসে। ঐ যে তাদের ডিঙিগুলো দেখা যায়; সার বেঁধে আসছে।

সেবার ভোষোলরা সাত-আটজন বিলে ওখানে হেঁটে এসেছিল। সাতকোমালে থেকে মকর বিল তিন-ক্রোশ। রতনপুরের মাঝ দিয়ে

আসা—যাওয়ার পথ। পথের দুধারে বড় বড় ক্ষেত—খানে ভরা। পাকা ধানগুলোর ওপর যখন হাওয়া বয়ে যায়, শব্দ ওঠে ঝন্ ঝন্, ঝুমুর ঝুমুর, যেন মা-লক্ষ্মী নুপুর পায়ে চলে-ফিরে বেড়াচ্ছেন। বিলের কোলে কোলে পদ্মা ও, শালুক বন। লতাগুলোর রাঙা ও শাদা ফুলে, মস্ত মস্ত সবুজ পাতায় জল দেখা যায় না। গন্ধে বাতাস ভারি। কোটা পদ্মাবনে মৌমাছি ও সাপের ভয়। তার বন্ধু জগা, পদ্মা তুলতে গিয়ে আর একটু হ’লেই সাপের কামড়ে মরতো। সাপটা পদ্মা-মুণালের গা জড়িয়ে কোটা পদ্মটার ওপর মাথা রেখে চুপ করে ছিল। জগা যেই পদ্মটা ছিঁড়বার জন্যে হাত বাড়িয়েছে, অমনি—‘কোঁ-ও-স্।’ সাপটার কত বড় ফণা! ভোষোলরা সেবার মাছ ধরেছিল অনেক। কিন্তু বাড়ি ফিরে সে তার খুড়ার মার খেয়েছিল, অনেক বেশি। ভোষোলের ইচ্ছে হ’লো, ঐ বিলের পাড়ে ভোরের হাওয়ায় দোদুল কাশবনে গিয়ে ছুটোছুটি করে।

লোকটা ভোষোলকে বললে—‘শুনছো গো ধোঁকাবাবু, এখনই বাড়ি ফিরে যাও। তোমার কাছে ‘টিকিস্’ আছে?’

ভোষোল জবাব দিলে,—‘না।’

—‘তবে তো মুশকিল! তিন ইশাটিশেন পরে ‘টিকিস্-সায়ের’ আসবে—’

ভোষোল দেখেছে, চেকারে টিকিট চেক করে। লোকগুলো বেজায় কড়া। সে ঠিক করলো, তার আগেই কোথাও নেমে পড়বে। সেখান থেকে গাঁয়ের মাঝ দিয়ে হাঁটিতে হাঁটিতে চলে যাবে—সেই টাটানগর।

এমন সময়ে গাড়িখানা ট্যাংরামারী এসে ছস্ করে থামলো। যাত্রীদের কয়েকজন নেমে গেল। এরপর আলমপুর। ভোষোল আলমপুরও ঢেনে।

মিনিট দুই খেমেই গাড়ি একটা হেঁচকা টান দিয়ে আবার চলতে লাগলো। ধানভরা ক্ষেতে ক্ষেতে সোনালি রোদ নুটিয়ে পড়ছে। রাঁখাল গরু চরাচ্ছে, কুঁয়াশ ক্ষেতে কাজ করছে। দেখতে দেখতে গাড়ি

আলমপুরও ছাড়িয়ে গেল। কামরাটা এখন একদম খালি। যে লোকটা বিড়ি ফুঁকছিল সেও আলমপুর নেমে গেছে।

খালি কামরায় ভোষোলের বড় আনন্দ হলো। সে গাড়ির চাকার শব্দের তালে তালে গান ধরে দিলে। গানের মার্জিত জানলা দিয়ে একবার মুখ বাড়িয়ে দেখলো। দেখেই তার বুক কেঁপে উঠলো—পাশের কামরায় চেকার। লোকটা ফিরিঙ্গী, কী, পাঞ্জাবী বোঝা গেল না—কিন্তু চাউনী বড় বিশ্রী। একবার তার দিকেও কটমুঁ করে তাকিয়ে দরজা খুলে ও-পাশের কামরায় ঢুকলো। এখনই হয়তো তার কামরায় এসে পড়বে। সে একবার ভাবলো, গাড়ি থেকে লাফ দেবে; কিন্তু তাতে বিপদ যথেষ্ট। সে মরেও যেতে পারে; না মরলে হয়তো হাত-পা জখম হবে। তার ওপর পুলিশে ধরবে। তার চেয়ে বরং—কিন্তু এ কামরাটার তো তাও নেই। তবে কী বোফির নিচে লুকোবে? তাতেও কী রক্ষা আছে? চেকারের চোখ সব জায়গায় যায়। বিনা টিকেটে রেল চড়া সত্যিই ভারি অন্যায়। এবারটা যদি কোন রকমে সে রক্ষা পায়। সে জানলা দিয়ে দেখলো, পরের স্টেশন কতদূর? কিন্তু সামনে কিছুই তো দেখা যায় না। দু'পাশে তারের বেড়া; মাঝে রেল-লাইন চলে গেছে সোজা। ইনজিনের কালো ধোঁয়ায় সামনেটা অন্ধকার। ভোষোল ভাবলো, লাফই দেবে। সে বেশ শক্ত কোরে কোমর বাঁধলো; হাঁটুর নিচের কাপড় তুলে তার ওপর দিকের খানিকটা কোমরে গুঁজলো।

সে দরজা খুলবার জন্যে মুখ বাড়াত্তেই দেখলো, সামনে ঐ যে সিগন্যাল দেখা যায়। সিগন্যালটা যেন মাথা নিচু করে ধাঁড়িয়ে মুচুক হাসছে। আর, স্টেশন আসবারও দেরি নেই। কিন্তু গাড়িখানা তো তেমন জোরে চলছে না! ইনজিন-ড্রাইভারের ওপর তার খুব রাগ হলো! লোকটা অ-কর্ম! জানে না, কিছুই জানে না। খুব সঘন ড্রাইভার পাঁউরুটি খাচ্ছে; আর, কায়ারম্যান গাড়ি চালাচ্ছে। এ সব লোকের শাস্তি হওয়া উচিত।

ভোষোল আবার জানলা দিয়ে মুখ বাড়িয়ে দেখতে গেল। সর্বনাশ! চেকারটাও যে বাঘের মতো মুখ বাড়িয়ে আছে। তবে কী হবে? যদি এখনই তার কামরাটার আসে! ইনজিন-ড্রাইভারকে ধরে তার



মানতে ইচ্ছে হ'লো। জোরে চালাও--জোরে---আঃ! এ কী? গাড়ি ক্রমে থেমে যাচ্ছে যে! ভোরোল এবার বিপরীত দিকের খানালার কাছে ছুটে এসে মুখ বাড়িয়ে দেখলো—ঐ যে স্টেশন এগিয়ে আসছে। সে চট করে দরজা খুলে ফেললো। তারপর গাড়ি থামতে না থামতেই তড়াক করে লাফ দিয়ে, প্ল্যাটফরমে নেমে, ছুটে তারের বেড়া গলিয়ে একেবারে বাইরে গিয়ে দাঁড়ালো।

আর তাকে ধরে কে? গাড়িখানাও মিনিটখানেক পরেই হুইস্‌ল দিয়ে 'ব্যাশ্! ব্যাশ্' শব্দে ধোঁয়া ছাড়তে ছাড়তে স্টেশন ছেড়ে চলে গেল।

পাঁচ
শালুকডাঙায়

ছোট স্টেশন।

প্ল্যাটফর্মের প্রায় মাঝামাঝি একখানা ছোট খড়ের ঘর। তার বেড়া চাটাইয়ের। গায়ে ছোট একটি জানলা। তার তলার দিকে কাঠের ঘুল-ঘুলির ভেতর দিয়ে হাত গলিয়ে যাত্রীরা টিকিট কেনে। বেড়ার গায়ে আলকাতরা দিয়ে ও প্ল্যাটফর্মের দুই মাথায় বোর্ডে ইংরেজী ও বাঙলায় বড় বড় কালো হরফে লেখা—শালুকডাঙা।

ততক্ষণে রোদের তেজ বেশ বেড়েছে।

তোষোল, চারধারে তাকিয়ে দেখলে, শালুক ফুলতো দূরের কথা, কোথাও একটা পুকুরও নেই। কেবল দিকে দিকে জলে ভরা আমনের ক্ষেত; ধানের কচি শিষ ও পাতাগুলো বাতাসে খেলা করছে। মধ্যখানে একটি উঁচু জায়গায় একখানা গাঁ; জল থেকে পা গুটিয়ে যেন জড়সড় হয়ে বসে রয়েছে। স্টেশন থেকে একটা কাঁচাপাকা রাস্তা সাপের মতো এঁকে-বেঁকে গাঁয়ের মাঝ দিয়ে চলে গেছে সেই পূবে—অনেক দূরে। রাস্তাটার দু'পাশে বড় বড় ঝাঁকড়া গাছ, ঠিক যেন এক একটা ছাতা বসানো।

স্টেশন থেকে ছইয়ে ঢাকা একখানা গরুর গাড়ি যাচ্ছিল গাঁয়ের দিকে। ছইয়ের পিছন দিকটা একখানা জোরাকাটা আধময়লা চাদরে ঢাকা—মাঝে মাঝে একটু কঁক হুচ্ছে। বোধহয়, ভেতরে কোন বউ আছে।

হঠাৎ একখানা বাইসিকল গাঁয়ের ভেতর থেকে বেরিয়ে এলো। যে বাইসিকল চালাচ্ছে, তার মাথায় শাদা পাগড়ি, গায়ে কালো কোট। সে গরুর গাড়িখানার সামনে এসেই থপটা বাজালো—টিঙ-টিঙ, টিঙ-টিঙ।



গরু দুটো বাইসিক্ল দেখে হঠাৎ ভড়কে গিয়ে বড় বড় চোখ বাঁর ক'রে রাস্তা থেকে ধানক্ষেতের মধ্যে নেমে দিলে দৌড়। ভোম্বোল হালি আর চাপতে পারে না। গরু দুটো লেজ তুলে ছুটতে ছুটতে এক একবার মাথা নিচু ক'রে জোয়াল খোলার চেষ্টা ক'রে; কিন্তু লম্বা শিঙ জোড়ায় আটকে যায়—পারে না। শেষে অনেক চেষ্টা ও কষ্টের পর গরু দুটো বাগে এলো; গাড়িখানা ক্ষেতের জলকাদার মধ্য দিয়ে কিছুদূর গিয়ে আবার রাস্তায় উঠে চলতে লাগলো।

স্টেশনের ও-ধারে প্রকাণ্ড এক অশুভ গাছ। তার তলায় একখানা ময়রার দোকান।

ভোম্বোল রেল-লাইন পার হয়ে দোকানের সামনে গিয়ে দেখে ময়রার পো মাথা নিচু করে মেঝের পাতা চাটাইয়ে বাতাস কাটছে। সে ভোম্বোলের দিকে ফিরেও তাকালো না। ভোম্বোলের পেট তখন ক্ষিদেয় জ্বলছে। গরম গুড়ের গন্ধে তার জিভে জ্বল এলো; কিন্তু রাস্তার দিকে তাকিয়েই তার আঁকল গুড়ুম। বাইসিক্ল-আরোহী ততক্ষণে তার কাছে এসে পড়েছে। আরে! এ যে চক্রবর্তী-মশাইয়ের ছোট ভাই—ঘন্টা খুড়ো। ঘন্টা খুড়ো ঠিকেশ্বরী করে বেড়ান। খুড়ো নিশ্চয় তাকে দেখেছেন। তনু সে ছুটে দোকানের পিছন দিকে পালালো। ভয়ে তার বুক টিপ্ টিপ্ করছে।

দোকানের পিছনে ঘন ডাঁটজঙ্গল ও কচুবন। তার মধ্যে গোটা কয়েক জলবিছুরির গাছও ছিল। একটার পাতা ভোম্বোলের পায়ে লেগে গেল। ইং! পা-খানা বেজায় কুইকুই করছে। সে জায়গাটা চুলকোতে চুলকোতে দোকানের বেড়া ঘেঁষে দাঁড়ালো।

পিছনে জলে ভরা আমনের ক্ষেত—দোকানের সামনে দিয়ে রাস্তা ফাঁকা। পালাবারও উপায় নেই। তবুও সে একবার ডাবলো ক্ষেতের মধ্যে নেমে যায়। কিন্তু জলে ময়-জোঁকও থাকতে পারে। একটা যদি পায় লাগে তো রক্ষা নেই। তার চেয়ে সেখানে দাঁড়িয়েই দেখা যাক, খুড়ো কী করেন।

সে আঙুল দিয়ে চাটাইয়ের বেড়া একটু ফাঁক করে সেই ফাঁকে একটা চোখ রেখে দেখলো—খুড়ো বাইসিকুলখানা দোকানের নামনে ঝাঁপের তলায় পাভা বেঙ্কির গায়ে হেলান দিকে রাখলেন।

দোকানি এবার মাথা তুলে দেখলো; দেখেই বলল,—‘পেনাম হই, দা’ ঠাকুর।’

ষষ্ঠী খুড়ো বেঙ্কির একধারে বসে বললেন,—‘মাথোন, এক ছিলিম তামুক খাওয়া তো—’

দোকানি অমনি হাঁক দিলে,—‘ও রে! মাদোব—মাদো—ও—ও—ব্! ছেঁঁড়াটা থাকে থাকে, আর পালায়। কেবল ইন্টিশনে গিয়ে বসে থাকে—’

খুড়ো বললেন,—‘আরে! এই তো এখানে দাঁড়িয়েছিল দেখলাম।’
ভোষোল খিল্ খিল্ করে হাসলো। খুড়ো তাকে মাধব ঠাওরেছেন।
মাধব বললে,—‘আমিও যেন দেখলাম। আচ্ছা, আমিই হাত ধুয়ে দিচ্ছি।’

খুড়ো ‘আচ্ছা’ বলে কোটের পকেট থেকে একখানা কালো ডাইরি আর তার পুটে অটিকানো মাথায় নিকেলের টুপি-পর্য্য একটা কপিং পেনসিল টেনে নিয়ে ডাইরির পাভা ওলটাতে লাগলেন।

তার মুখ অন্যদিকে। ভোষোল দেখলো, এই সুরোগ। সে ঘরের পিছন থেকে সরে গিয়ে রাত্নায় উঠেই গাঁয়ের দিকে দিলে ছুই।

ছুট—ছুই। ভোষোল ছোট্ট আর পিছন ফিরে তাকায়। দেখে, ষষ্ঠীখুড়ো কী করছেন। খুড়ো তখনও তেমনি ভাবে বসে আছেন। কিন্তু যদি হঠাৎ ঘাড় তুলে, মুখ ফিরিয়ে তার দিকে তাকান! একবার ঐ পথের বাঁকে বড় ঝোপটার আড়ালে গিয়ে পড়তে পারলে হয়। কিন্তু বাঁকটাও কাছে নয়। ছুটতে ছুটতে তার দম বন্ধ হবার মতো হলো। আর কয়েক কদম।

বাস্! সে এসে পড়েছে।

ঝোপটার হাত কতক তফাতে একটা কাঁঠাল গাছ। ভোষোল তার তলায় বসে হাঁফাতে লাগলো। ভুঙ্কার গলা শুকিয়ে কাঠ।

একটু জল পেলে ভাল হোত। কিন্তু কোথায় খাবার জল? দু’পাশে ধান-ক্ষেতে যে জল রয়েছে তা খেলে নিশ্চয় অমুখ করবে। গাঁখানা সেখান থেকে তখনও অধ-মাইলটীক তফাতে। তবে তার এধারে যেন পথের পাশে একখানা ঘর দেখা যায়। ঘরখানার খড়ের চাল দিয়ে অন্ন অন্ন ধোঁয়া উঠছে।

ততক্ষণে রোদ বেশ খরখরে হয়ে উঠেছে। শরতের রোদ গায়ে বেঁধে, মাথা পোড়ায়, আবার তাতে মনও কেমন করে। ভোষোল ওপর পানে তাকিয়ে দেখলো, আকাশে শাদা-কালো মেঘ, যেন পাল পাল রাজহাঁস ডানা ছড়িয়ে দূরে কোথায় উড়ে চলেছে। গাঁয়ের ওপর দিয়ে, ধানক্ষেতের ওপর দিয়ে পথে তার গায়ে-মাথায়ও তাদের কোমল সচল ছায়া আরাম বুলিয়ে যাচ্ছে।

সে ষষ্ঠী খুড়োর তয়ে ঝোপের কোলে কোলে সেই ঘরখানার দিকে এগোতে লাগলো।

সেখানে পৌঁছে দেখে, সেটা একটা কামারশালা। হটব্, ভরব্ ভরব্ —হটব্ ভরব্ ভরব্ করে হাপির চলছে; আর, চুল্লীর আঙন সাপের মতো চার-পাঁচটা লকনকে লাল ফণা তুলে শব্দ করছে—সোঁ, সোঁ। কর্মকার লাঙলের ফলা, কান্তে ও হেঁসে গড়ছে। তার কাছাকাছি দু-তিনটা চাষী উবু হয়ে বসে দেখছে। ভোষোলের অনেক দিনের ইচ্ছে, সে একখানা বেশ বড় ছুরি তৈরি করে। ছুরিখানা এমন ধারালো হবে যে, আঙুল ঠেকালেই কুচু করে কেটে যাবে। কিন্তু সে কর্মকারকে ছুরির কথা না বলে, বললে,—‘একটু জল খাওয়াবে গো?’

লোকটার মাথার একখানা ময়লা, তেলচিটে ন্যাকড়া টুপির মতো জড়িয়ে পিছনে ছোট্ট ঝোঁপার মতো পুঁইলি পাকানো। পরণের কাপড়খানা ময়লা, কালো ঝুল, গায়ের রঙও পোড়া লোহার মতো—কিন্তু শরীর বেশ বলিষ্ঠ। লোকটা একখানা কান্তে গাঁড়াশি দিয়ে ধরে আঙনে পোঁড়াতে পোঁড়াতে চোখ তুলে দেখলো। সে ভোষোলকে কোনদিনও দেখে নি। তার খুব আশ্চর্য বোধ হলো; জিগেস করলে,—‘তোমার বাড়ি কোথায়?’

ভোষোল বললে,—‘দুর্গাপুর।’

—‘দুর্গগোপুর? সে আবার কোথায়?’

ভোষোল পিছন দিকে আঙুল তুলে বললে,—‘ও-ই দিকে। বড় তেষ্ঠা পেয়েছে। আগে একটু জল দাও।’

‘জল?’ বলে কর্মকার বার দুই এদিক-ওদিক তাকাতে। তারপর কাণ্ডখানা ‘আঙনের ওপর রেখে চাষীদের একজনকে বললে,—‘হাঁপর টানো। তিষ্ঠার জল দিতিই হয়।’ এবং ঘরের কোণে উঠে গিয়ে, একটা মেটে কলসী থেকে ছোট ঘটিতে জল গড়াতে লাগলো। কলসী, ঘটি আর তার মালিকের চেহারা দেখলে, সে জল খেতে আর ইচ্ছে হয় না। কিন্তু তৃষ্ণার সময়ে সেই জলেই বরফ দেওয়া জলের মতো তার প্রাণ জুড়িয়ে গেল। জল খেয়ে ভোষোল আর দাঁড়ালো না, গাঁয়ের দিকে চলতে লাগলো।

অদ্ভুত কীতি

দুরে—পিছনে—স্টেশন; সামনে ঐ যে গাঁ।

গাঁখানি বেশ বড়। ভোষোল গাঁয়ে ঢুকতেই দেখলো, বাঁ-দিকে কুমোর-বাড়ি। দুর্গাপুজোর আর দেবী নেই। কুমোরের পো একখানা দুর্গা-ঠাকুর গড়ছে।

ভোষোলের ক্ষিধেও পেয়েছে খুব। সে কাপড়ের খুঁট থেকে নামপাতিটা খুলে কামড়ে কচু কচু করে খেতে লাগলো। খেতে খেতে দেখলো, কুমোর-বাড়ির পিছন দিকে বেড়ার ধারে একটা মস্ত বাতাবী লেবুর গাছ। গাছটা লেবুতে ভরা। লেবুগুলো পেকে সোনার তালের মতো দেখাচ্ছে। সে এদিক-ওদিক তাকিয়ে দেখলো, কেউ নেই। সে কাপড়খানা গুছিয়ে পরে কাঠ-বেরালীর মতো তর্ তর্ করে গাছে উঠে গেল। গাছটা ঘন ঘন দুলছে। ডাল-পালার সর্ব সর্ব শব্দ হচ্ছে। ভোষোল পাই করে একটা লেবু ছিড়তেই বাড়ির ভেতর থেকে একটা মেয়েলী গলা চোঁচিয়ে উঠলো,—‘গাছে কে রে?’

ভোষোল মাড়া দিলে না। লেবুটা এক হাতের বগলে চেপে ধরে সে সড় সড় করে গাছ থেকে নামতে লাগলো। কুমোরের বউ রামা চড়িয়েছিল। সে বাড়ির ভেতরের উঠানে দাঁড়িয়ে ভোষোলকে লেবুবগলে গাছ থেকে নামতে দেখে গরম খুস্তি হাতে ছুটে এসে চীৎকার করতে লাগলো,—‘চোর—চোর। লেবু চুরি করে পালানোছে।’

তার চীৎকার শুনে কুমোর ওদিক থেকে কোঁৎকা হাতে ছুটে এসে একেবারে গাছের গোড়ায় দাঁড়ালো। ভোষোল ভখনও গাছে। আর হাত দুই নামলেই উঁচু বেড়ার মাথায় পা রাখতে পারে।

কুমোর ও কুমোরের বউ গাছের গোড়ায় দাঁড়িয়ে কোঁৎকা ও খুস্তি উঁচিয়ে বলতে লাগলো,—‘স্বায় নেমে। নাম শিগুগিরু—’

ভোষোল দেখলো, নামলে আর রক্ষা নেই। না নামলেও ওরা লোকজন ছড় করে তাকে গাছ থেকে টেনে নামাবে। তখন পাল্লাবার পথ বন্ধ। সে বললে,—‘নামছি বাপু। ক্ষিপের সময় একটা লেবু নিয়েছি—’

কুমোর বললে,—‘ক্ষিপে পেয়েছে তো আমার গাছে চড়েছিস্ কেন ? বাড়ি গিয়ে ভাত খা। কার ছেলে তুই ?’

ভোষোল বললে,—‘চাকী মশাইয়ের।’

‘কোথাকার চাকী ? তোকে তো কোনদিন দেখিনি।’

কুমোরের বউ বললে,—‘ও সব মিছে কথা। ছোঁড়া চোর—’

এ কথায় ভোষোলের খুব রাগ আর অপমান বোধ হলো। তাবলো, লেবুটা ছুঁড়ে ফেলে লাফ দিয়ে বেড়ার বাইরে পড়ে চলে যায়।

কুমোর হমকি দিয়ে বললে,—‘কৈ, নামলি নে ? উঠবো গাছে ?’

ভোষোল বললে,—‘উঠেই এস না।’

‘তবে রে !’ বলেই কুমোর গাছে উঠতে লাগলো। গাছটার দক্ষিণে কুমোরের রান্নাঘর। গাছের কয়েকটা ডাল একেবারে চালের সঙ্গে লেগে আছে।

কুমোরকে গাছে চড়তে দেখে, সে আবার ওপরে উঠতে লাগলো।

দুজনই গাছে চড়তে ওস্তাদ। তবে ভোষোলের এক সুবিধা, সে ছোট, শরীর হালকা। কুমোরের চেয়ে কিছু তাড়াতাড়িই উঠছে।

কুমোর-গিন্নী নিচে থেকে খুস্তী দুলিয়ে বলছে,—‘ধর—ধর। ছোঁড়ার ঠ্যাং চেপে ধর।’

গোলমাল শুনে পাড়ার কয়েকটা ছেলে সেখানে ছুটে এলো। তাঁরা ওপর দিকে তাকিয়ে দেখে যে লেবুগাছটার উঁচু ডালে কুমোর-পো আর একটা অচেনা ছেলে। গাছটা খুব দুলছে। তারা চীৎকার করে উঠলো।

ভোষোল দেখলো, সর্বনাশ ! আর বোধহয় পালানো যাবে না। কুমোর তাকে ধরে ধরে। তবুও পাল্লাবার চেষ্টা করা যাক। দেখলো,



সামনেই রান্নাঘরের চাল। সে সর্ব-সর্ব করে সেদিকে এগিয়ে গিয়ে
চালে লাফিয়ে পড়ে, সেখান থেকে লাফ দিয়ে বেড়ার বাইরে মাটিতে
নেমেই দিলে ছুই। বগলে বাঁতাবী লেবুটা তেমন রয়েছে।

কুমোর-পো-ও 'ধব-ধব' বলতে বলতে চালে নেমে, সেখান থেকে
লাফ দিয়ে নিচে পড়ে হাত-কয়েক ছুটেই গোবরে পা হড়কে হড়মুড় করে
পড়ে গেল।

ছেলেগুলো চীৎকার করতে করতে হাততালি দিতে লাগলো।
তারা ভারি খুশী। লোকটা তাদেরও লেবু খেতে দেয় না!

সামনে বাঁশ-ঝাড়। তারপর ডোবা। ডোবার ধারে ঘন ঝোপ-
ঝাড়। তার ওধারে ঐ যে সড়ক দেখা যায়। ভোম্বোল বাঁশ-তলা
দিয়ে সেদিকে ছুটতে লাগলো।

ছুটতে ছুটতে একবার পিছন ফিরে দেখলো—কেউ নেই! কেবল
কুমোর-গিন্নীর খ্যান-খেনে গলা শোনা যাচ্ছে—'ডাকাড—পাজী—ছুঁচো—
ও—ও—!'

শান্ত বুড়ীর বাড়ি

ভোম্বোল হাঁফাতে হাঁফাতে চলেছে।

পথের দু-ধারে খড়ের বাড়ি-ঘর। চালে চালে চাল-কুমড়া আর লাউয়ের গাঁছ। চাল-কুমড়া গাছগুলোর কোন কোনটায় চাকা-চাকা হলদে ফুল ধরেছে, জালি পড়েছে। ফুলগুলো হাওয়ায় দুলাচ্ছে। কোন কোন বাড়ির বার-উঠোনের শেষে ধানের মরাই, কারুর বাড়ির বাইরের দিকে গোয়াল।

রাস্তার ধারে এক জায়গায় আমতলায় কতকগুলো ছেলে জটলা করছিল। কয়েকজন একটা কুকুরের লেজের সঙ্গে লম্বা দড়ি দিয়ে একটা কানেশ্বারা বাঁধছে। কুকুরটা বোকার মতো চুপ করে দাঁড়িয়ে আছে। ভোম্বোলও দাঁড়িয়ে মজা দেখতে লাগলো।

ছেলেগুলো দড়ি বেঁধে কুকুরটাকে ছেড়ে দিলে। কুকুরটাও অমনি দিলে ছুঁ। সে যত ছোটে ততই টিনের ধ্বাধ্ব আওয়াজ হয়। ছেলেগুলো হাসতে হাসতে, হাতজালি দিতে দিতে তার পিছনে ছুটতে লাগলো। ভোম্বোল হেসেই সারা।

সে আবার চলতে লাগলো। যেতে যেতে একবার পিছন ফিরে দেখলো, কুকুরটা মাঠ দিয়ে লেজ তুলে ছুটছে। লেজ দড়িটা বাঁধা, কিন্তু কানেশ্বারাটা নেই।

ভোম্বোল আরও কিছুদূর গিয়ে পথের ধারে একটা বেত-ঝোপের কোলে বসে পড়লো। রাস্তার ওপারে ধান দুই ছোট খড়ের ঘর। একটা চাল-কুমড়া গাঁছ। লম্বা কঞ্চি বেয়ে একটার চালে লতিয়ে উঠেছে। বাড়িটার চারধারে অড়হর-কাঠির বেড়া। সামনে একটু উঠোন—পরিষ্কার, তকতকে। আর, সেখান থেকে কিছু তফাতে।

অনেককালের একটা পুকুর—দাম-কলসী-হিন্চে ডরা। তার পাড়ে কয়েকটা নারকোল গাছ। ঐ যে পুকুরটার ডাঙা ঘাট দেখা যায়।

বেশ ঝিরঝিরে হাওয়া বইছে। কপালে তার ঠাণ্ডা স্পর্শ লাগছে। ক্ষুধায় ও ক্লান্তিতে ভোম্বোলের দু'চোখ ঘুমে জড়িয়ে আসছে। সে বাতাবী লেবুটা কোলে রেখে হাত দিয়ে নড়তে নড়তে দেখলো, ঘর দুখানার ঐ কোণ থেকে এক বুড়ী কাকে যেন বকতে বকতে বেরিয়ে এলো। বুড়ীর চুলগুলো পাঁচের মতো সাদা, মুখে একটাও দাঁত নেই।

বুড়ী চোঁচিয়ে বললে,—‘শুনছি’ হতভাগী, এটুকু খেয়ে যা সারাদিন এর-ওর বেড়ার ধারে ঘুরবি, মার-খোর খাবি। নোকে কম্ব, আমি তোমো ধেতে দিই নে। কৈ? এলি? ও সুরো-সুরো! আর মুখপুড়ী মড়া নেই! এতক্ষণ পাড়া মাখায় করছিলি যে—’

ভোম্বোল মনে করলো, বুড়ী বুঝি তার নাতনীকে বকছে। বুড়ী গুটি গুটি এসে পথের ওপর দাঁড়ালো। ভোম্বোল এবার দেখলো, বুড়ীর হাতে একখানা মাজা কাঁসি, বুড়ী আবার ডাকলো,—‘ও সুরী-সেরভী ধন—’

এবার সে সাড়া পেলো—‘হাম্ব বা-আ—আ।’ সঙ্গে সঙ্গে ও-পাশের ঘোপ-জঙ্গল থেকে হুড়ু মুড়ু করে বেরিয়ে এলো। একটা শাদা রঙের গাই, তার পিছনে লাল রঙের বাছুর।

ওরই নাম সৈরভী? ভোম্বোল আপন মনে হাসতে লাগলো।

বুড়ী বললে,—‘ওরে, এই ফ্যানটিক খেয়ে যা—আয়—’

সৈরভী বুড়ীর দিকে বড় বড় চোখে একবার ফিরে তাকিয়ে, মাথা দুলিয়ে, কান ঘুরিয়ে লেজ তুলে ওধারে ঝিঙে ক্ষেতের দিকে দিলে দৌড়।

বুড়ী কাঁসির ফেন পথের ধারে ঘাসের ওপর ঢেলে দিতে দিতে বকব-বকব করতে লাগলো।

বুড়ী এতক্ষণ ভোম্বোলকে দেখতে পায় নি। চোখ ও কঁকুটকে ভোম্বোলকে কিছুক্ষণ দেখলো। তারপর বললে,—‘ওখানে বসে কে রে?’

ভোম্বোল বললে,—‘আমি।’

—‘নাম কী?’

—‘ভোষোল।’

বুড়ী কানে হাত দিয়ে ষাড় কাৎ করে জিগোস করলে,—‘কী বল্লি? টষোল?’

ভোষোলের রাগ হলো; চোঁচিয়ে বললে,—‘না—না—না—ভো-ও-ম্ বোল।’

বুড়ী বললে,—‘তাই যাই হোক! তুই ওখানে বসে কেন? সবে আয়—সরে আয়। ওখান থেকে সেদিন সন্ড এক কেউটে বেরিয়েছিল। রেধো মালোর ব্যাটা ছিমস্তটা আর একটু হলেই গিয়েছিল আর কী!’

ভোষোল এক লাফে সেখান থেকে উঠে এসে বুড়ীর সামনে দাঁড়ালো। তারপর ঝোপটার দিকে সতয়ে তাকালো।

বুড়ী বললে,—‘কাদের ছেলে রে তুই?’

—‘চাকী মশাইয়ের।’

—‘চাকী মশাইয়ের? এ গাঁয়ে তো চাকী নেই। বাড়ি কোথায়?’

ভোষোল বললে,—‘সে তুমি চিনবে না।’

—‘বলই না। দেখি চিনতে পারি কী না—’

ভোষোল বললে,—‘সে—ই দুর্গাপুর।’

—‘দুর্গাপুর? দুর্গাপুর আর চিনি নে? রেল যেতে হয়। আমার মেয়ের শ্বশুর-বাড়ি ছিল ওখানে—’ বলতে বলতে বুড়ীর শুকনো চোখ দুটো ছল-ছল করে উঠলো। তারপর বললে,—‘তার। আর কে-উ নেই। নাতিটাও চলে গেছে। তা তুই যে এ গাঁয়ে এয়েছিস? এখানে কেউ আছে নাকি?’

—‘না।’

—‘জবে?’

ভোষোল উত্তর দিলে না।

বুড়ী বললে,—‘বুজিছি। আমার নাতিটাও এমনি করতো—ঘরে থাকতে চাইতো না। তোরা সব বুনো—বীঘর—ঘরে মন বসে না। তোর বাপ আছে?’

ভোষোল নেড়ে বললে,—‘না।’

—‘মা?’

—‘না।’

বুড়ী বলে উঠলো—‘আ পোড়াকপালে? সব খেয়েছে? তবে আর তোকে ধরে রাখবে কে?’

তারপর ভোষোলের খুব কাছে সরে গিয়ে তার থুংনিতে হাত দিয়ে মুখের দিকে তাকিয়ে বললে,—‘কিছুই খাস নি বুঝি? সুখানা শুকিয়ে গেছে দেখছি। সেটাও এমনি না খেয়ে বনে-বাদাড়ে, পথে-বাটে ঘুরে বেড়াতো। চল—ঐ আমার ঘর। যাহোক্ চারভি জলপান মুখে দিবি। চল—চল—’

ভোষোল কিন্তু সেখান থেকে নড়লোনা।

বুড়ী বললে,—‘লজ্জা করিস নি। চল—চল—বলতে বলতে ভোষোলের হাত ধরে টানতে টানতে তার বাড়ির ভেতরে নিয়ে গেল।

বুড়ীর ঘরের দাওয়াটি বেশ নিকোনে। এক কোণে রান্না হয়। হাঁড়ি-কুঁড়ি সব তখন তে-কাঠায় তোলা। খালি উনুনের পাশে এক বোঝা বাঁশ ও কাঠ। তার পাশে একটা ছাই রঙের বেরাল তপস্বীর মতো চোখ বুজে বসেছিল। সে তাদের পায়ের শব্দে বেন অভিকটে চোখ মেলে তাকিয়ে মিশিস্বরে একবার ডাকলো,—‘ম্যাও—’

বুড়ী বললে,—‘তোমার আবার কী? একটু সবুর করো।’ বলে দাওয়ার উঠে দরজার শিকল খুলে ঘরে ঢুকলো। তারপর একখানা নলের চাটাই এনে দাওয়ার পেতে ভোষোলকে বললে,—‘নে—উঠে এসে বোস।’

ভোষোল তখনও হেঁচতলায় দাঁড়িয়ে ছিল। বুড়ীর কথার আন্তে আন্তে দাওয়ার উঠে চাটাইয়ের ওপর বসলো।

বুড়ী আবার ধরে ঢুকে একটা হাঁড়ি থেকে দু'কুনকে চাটকা মুড়ি একটা ধামীতে চাললো। তারপর শিকের হাঁড়ি থেকে বড় বড় দুটো নারকোল নাড়ু বার করে মুড়িগুলোর ওপর রেখে বাইরে এসে ভোবোলের হাতে দিয়ে বললে—‘খা মশি।’

ভোবোল বুড়ীর হাত থেকে ধামীটা নিতে নিতে বললে,—‘এই বাতাবীটা কী করবো, আজীমা?’

বুড়ী আহুদে আটখানা হয়ে গেল। এক গাল হেসে বললে,—‘কী বলে ডাকলি?’

—‘আজীমা।’

বুড়ীর আনন্দ আর ধরে না। সে ভোবোলের সামনে উবু হয়ে বসে পড়লো। হাসতে হাসতে জিগ্যাস করলে,—‘ও লেবু তুই পেলাি কোথায়?’

—‘কুমোর-বাড়ির গাছে।’

—‘মতে কুমোরের গাছের লেবু? বাস্ নে-বাছা—সইবে না। তোরে আমি ভাল লেবু খাওয়াবো। ওটা ফেলে দে। অবন হাডু-কিপেট আমার সাড়ে তিনকুড়ি বয়সেও দেখিনি—’

ভোবোল লেবুটা কিন্তু ফেললো না; পাশে রেখে দিয়ে মুড়ি-নাড়ু ঝেতে লাগলো। বুড়ী তাকে একটি ছোট কাঁসার খাটতে জল এনে দিলে। খাটটি রূপের মতো ঝঙ্ ঝঙ্ করছে। তারপর বললে,—‘ব’সে ব’সে খা। আমি চারটে কলনী শাক তুলে আনি। আর, দেখি গে যদি এক-আধটে ল্যাটা-পুঁটি পাই—’

ভোবোলকে সে দুপুরে খেতে দিলে আউস-চালের রান্ধা ভাত, ঘন কলায়ের ডাল ও কাঁচা লংকা দিয়ে কলনী শাক ভাজা। সে ল্যাটা বা পুঁটি কিছুই ধরতে পারে নি। ভাতের সঙ্গে একবাটি ঘন দুধও সে ভোবোলকে দিলে। তার সরখানি ঠিক কাঁধার মতো পুরু—ওপরে গর্ত গর্ত। ভোবোল দুধের সর খেতে খুব ভালবাসে। দুখটা সেরতীর। পেট ভরে খেয়ে সে দুপুরে বেশ এক ঘুম দিলে। উঠলো যখন, বাঁশবনের মাথায় বেলা গড়িয়ে গেছে।



বুড়ী বললে,—‘মণি, তুই আশার কাছেই থাক্। এই ঘর-বাড়ি, ঐ পুকুরগী-বাঁশঝাড়টা আশার। বিধে সাড়ে তিন ধেনো জমিও আছে। সব তোরে দেবো, বুঝলি?’

কিন্তু ভোষোল এ সব নিয়ে কী করবে? সে যাবে সে—ই টাটানগর। সেখানে গিয়ে কত কাজ শিখবে। এখানে এই গাঁয়ে, ঐ মাঠে কী আছে? এখানে সবাই যেন যুনোচ্ছে। ধোঁং!

সে বুড়ীর কথার কোন জবাব না দিয়ে উঠোনে দাঁড়িয়ে মনে মনে ঠিক করতে লাগলো, কলকাতা কোন্ দিকে। ঐ যেদিকে সূর্য অস্ত যাচ্ছে? সে মনে মনে ম্যাপের সঙ্গে মিলিয়ে দেখলো। হী—তাই-ই। একবার কোলকাতায় গেলে টাটানগর যাওয়া কিছুই কঠিন নয়। এখান থেকে রেলও কোলকাতা যাওয়া যেতে পারে। কিন্তু তা’হলে সে খুজো-মশাইয়ের লোকজনের হাতে ধরা পড়বে। তিনি নিশ্চয় চারধারে লোক পাঠিয়েছেন। কোলকাতা কতদূরই বা? তাদের দুর্গাপুর থেকে মোটে একশ’ দশ মাইল। এখান থেকে না হয় একশ’ ত্রিশ মাইল হবে। সে হিসেব কোরে দেখলো, রোজ যদি দশ মাইল করে হাঁটে, তা’হলে তেরো দিনে কোলকাতায় গিয়ে পৌঁছবে। তবে আর ভয় কী?

ওদিকে মেঘে মেঘে আকাশ অন্ধকার করে এসেছিল। ঝড় ওঠে ওঠে। বুড়ী বললে,—‘কোথাও যাসনে। ভীষণ দেয়া নামবে।’

সেরভীও ‘হাঘা—হাঘা’ করতে করতে বাড়ি ছুটে এলো। বুড়ী তাকে ও বাছুরটাকে গোয়ালে পুরে মাটির গ্যামলায় জাবন দিলে। সেদিন আর গোয়ালে সঁজাল দিলে না। যে হাওয়া! এখনই হয়তো দাউ দাউ করে আগুন জ্বলে উঠবে।

ভোষোল একটু এদিক-ওদিক ঘুরে এসে দাওয়ার উঠে বসলো। সন্ধ্যা হয়ে এসেছে। সন্ধ্যা উতরে যাওয়ার সঙ্গে সঙ্গে মেঘ ডাকতে লাগলো। বিদ্যুতের চোখ-ধাঁধানো ঝিলিক হান্ছে। হঠাৎ বৃষ্টি নামলো, এলোমেলো বাতাস বইতে লাগলো।

বুড়ী সে রাতে আর সঁাধলো না। স্কীরের নতো ঘন লাল দুধে মুড়ি, মর্তমান কলা ও আখের গুড় দিয়ে দুজনে ফলার করলো।

রাতে শুয়ে শুয়ে বুড়ী গর জুড়ে দিলে—‘এক যে ছিল রাজা—তার সাত রাণী।’ কিন্তু গল্পটি বেশিদূর এগোলো না, পাটরাণীর ঘরের দরজায় পৌঁছতে পৌঁছতেই বুড়ীর নাক ডাকতে লাগলো। কিন্তু ভোষোলের চোখে ঘুম আর আসে না।

ঘর অন্ধকার। বাইরে বৃষ্টি বারছে, বাব্ বাব্, সন্ সন্। পুকুরের ব্যাঙগুলো ডাকছে—কঁপা-কঁপা, কটব্-কটব্। তাদের সঙ্গে দাম-কলমী-হিঞ্জে বনে এক জোড়া তাছক-তাছকী যোগ দিলে—দেই-দেই। সারা রাতের মধ্যে তাদের হাঁকাহাঁকি ও ডাকাডাকির বিরাম রইলো না। তারা সকলে যেন পরামর্শ করে ভোষোলের চোখের ঘুম কেড়ে নিলে। তার মন ছুটে গেল তাদের দুর্গাপুরে নদী-তীরে।

সে—ই ও-পারে বন-ঝাউয়ে ঢাকা বিশাল বালু-চর। তার শেষে আকাশের কোলবরণের গাঁ। এ-পারে তাদের বাড়ি। পুব-দুয়ারী ঘরখানার জানলার ধারে এমনি বর্মায় বসে সে যেন গান ধরেছে। ঝাউ বনে, নদীর বুকে বাতাস লুটোপাটি করছে আর কী যেন কইছে...

ভোরের দিকে সব শান্ত হতে, ভোষোল ঘুমিয়ে পড়লো।

তারপর চুপিচুপি সকাল হলো। বুড়ী দেখলো, ভোষোল ঘুমোচ্ছে। সে পুকুর-ধারে চলে গেল।

কিন্তু ফিরে এসে দেখে, চাটাই খালি, ভোষোল নেই। মনে করলো, এখনই আসবে। কিন্তু ক্রমে রোদ উঠলো, মেঘ সরে গেল, ভোষোল তবু ফিরে এলো না। সে বেরিয়ে গিয়ে ফাঁকা রাস্তার ওপর দাঁড়িয়ে কঁপা গলায় ডাকলো,—‘টম্বো-ও-ল। ওরে টম্বো—আয় রে দাদা—ফিরে আয়—’

কিন্তু কোথায় তার ‘টম্বো’? সে তখন আধ ক্রোশ দূরে মানিক-পুরের পাকা সড়ক ধরে বরাবর পশ্চিম দিকে চলেছে। তার হাতে কঞ্চি, বগলে বাতাবী লেবু।

পাট
যুদ্ধ

শালুকভাঙা থেকে মানিকপুর পাকা দু’ক্রোশ। মাঝে রাস্তার দু’ধারে কেবল ধান ও পাট-ক্ষেত। ভোষোল দেখতে দেখতে চলেছে। পাটগাছগুলোর মাথায় এক ঝাঁক গঙ্গাফড়িং উড়ছে। একটা টুনটুনি উড়ে এসে একটা পাটগাছের মাথায় বসলো। কচি-ডগা অমানি নিয়ে পড়লো; কিন্তু টুনটুনিটা উড়লো না, বঁসে বঁসে দোল খেতে লাগলো। ভোষোল রাজা থেকে একটা টিল কুড়িয়ে নিয়ে টুনটুনিটাকে ছুঁড়ে মারলো। টুনটুনিটা ফুড়ুৎ করে উড়ে পালিয়ে গেল।

সকাল থেকেই ভোষোলের মনটা খারাপ। সত্যিই বুড়ী বড় ভাল। তার সবচেয়ে কষ্ট হচ্ছে, দুধের সরের কথা ভেবে। বেশ পুরু সর! এখনও যেন মুখে লেগে আছে। থাকলে বুড়ী রাজ খাওয়াতো! কিন্তু সর খাবার লোভে সে কী টাটানগর যাবে না? আচ্ছা! কাজ-কর্ম শিখে আবার সে বুড়ীর বাড়ি ফিরে আসবে।

এদিকে বেশ বেলা উঠেছে। রোদে গা-মাথা পুড়ে যাচ্ছে। তবে মানিকপুরও আর বেশি দূর নয়। ঐ যে গাছপালার কোলে ঘর-বাড়ি-গুলো দেখা যায়। গায়ের বাইরে গরু-বাছুর লেজ দু’লিয়ে চরে বেড়াচ্ছে। একটা রাখাল লকড়ি হাতে একটা গরুর পিছনে ছুটছে আর মুখে শব্দ করছে—‘দুরব্ হৈ:।’

ভোষোল হম্-হম্ করে হাঁটতে হাঁটতে গায়ে গিয়ে ঢুকলো। গায়ের মুখেই এক গৃহস্থ-বাড়ি। এক ভিগারী তার বার-উঠোনে লাউ-মাচার ধারে দাঁড়িয়ে কঁদ-কঁদ গলায় গান ধরেছে—

‘কবে যাবে হে গিরিরাজ,
আনিতে মোর উমাধনে?
না হেরিয়া সে মুখ-শশী,—
‘আমি যে গো প্রাণে বাঁচি নে।’

সেই সঙ্গে তার একতারাটি বাজছে—বড় বড়া বড়—বড় বড় ; বড় বড়া বড়—বড় বড় !

এ গান ভোষোলও জানে। সে বগলের বাতাবী লেবুটাতে টোকা দিতে দিতে গুলুগুলু করে গাইতে গাইতে চলতে লাগলো,—‘কবে যাবে হে গিরিরাজ—আ আ-আ-নিতে য়োর উ—মা ধনে—এ—এ—’

এ গানের স্বরে স্বরে ভোরের আকাশ ছেয়ে যায়।

ভোষোল গাঁয়ের মধ্যে দিয়ে যেতে যেতে দেখলো, এক জায়গায় একটা প্রকাণ্ড বটগাছ। তার গোড়াটা কোনকালে বাঁধানো হয়েছিল। এখন সান ফেটে-ফুটে ইটগুলো দাঁত বার করে আছে। গাছটার মোটা মোটা ডাল থেকে চারধারে সাপের মতো অগংখ্য ঝুরি ঝুলছে।

ওধারে একটা মস্ত পুকুর। তার এককোণে শালুক-বন। পুকুরটাও খুব পুরনো। তার সান-বাঁধানো ঘাটও ফেটে চৌ-চির। একপাল ছেলে পুকুরে স্নান করছে। কী তাদের আনন্দ! তারা বটের ঝুরি ধরে দুলতে দুলতে পুকুরের জলে ঝপ করে ঝাঁপিয়ে পড়ছে; আবার সাঁতরে এসে ঝুরি ধরে দোল খাচ্ছে; কেউ কেউ গাছের ডালে উঠে যাচ্ছে! চীৎকারে, ডাকাডাকিতে, জল-শব্দে জম-জমাট।

ভোষোলের ইচ্ছে হলো, সেও একটা ডুব দিয়ে নেয়। গরমে গা-মাথা জ্বলছে; ঘাম ঝরছে। কিন্তু আর তো কাপড় নেই। নেয়ে উঠে সে এরই এক মুড়ো পরে ধাঁকবে, আর এক মুড়ো শুকোবে। রত মজুরকে সে তাই করতে দেখেছে।

সে কক্ষিখানা ও লেবুটা বটগাছটার ঝাঁদলে লুকিয়ে রাখলো। তারপর কাপড়খানা গুছিয়ে নিয়ে বটগাছের ওপরে উঠে গেল। ছেলেরা তার দিকে তাকিয়ে অবাঁক। এ আবার কে রে? ভোষোল কিন্তু তাদের দিকে সোজা-স্বজি তাকালো না। সে ডাল দিয়ে একেবারে পুকুরের ওপর চলে গেল। তারপর একটা লম্বা ঝুরি বেয়ে নিচে নেমে, ঘন ঘন দোল খেতে খেতে দিলে এক লাফ। অমনি গিয়ে পড়লো একেবারে মাঝ-পুকুরে। পড়েই তলিয়ে গেল—জলে বুড়বুড়ি ছাড়ছে, কিন্তু সে উঠলো না।

ছেলেরা দেখলো, সে ডুবে গেছে। তা'রা ভয়ে চীৎকার করে উঠলো। কিন্তু সঙ্গে সঙ্গে হাত দর্শক তফাতে ভোষোলের মাথা দেখা গেল। সে হস্ করে ভেসে উঠলো। আবার ডুব দিলে, আবার উঠলো। তারপর কিছুক্ষণ চাঁৎ, হয়ে, কাৎ হয়ে, উপুড় হয়ে সাঁতার কাটলো।

ছেলের দল সাঁতার ডুলে, কেউ ষাটে, কেউ কোমর জলে, কেউ বা গাছের ঝুরি ধরে তার দিকে তাকিয়ে রইলো।

ভোষোলের মনে খুব গর্ব হলো। ছেলেগুলো তাকে দেখছে। তার সঙ্গে পাল্লা দিয়ে কেউ সাঁতার কাটতে সাহস করছে না। সে তাদের কারুর সঙ্গে কোন কথা না বলে, গম্ভীর ভাবে ভাঙায় উঠলো। তারপর কাপড়ের মুড়োর গা-মাথা মুছে এ-মুড়ো, ও-মুড়ো নিঙড়ে নিলে। ক্ষিদের তার পেটে যেন এক ঝাঁক চড়াই কিচির-মিচির করছে। এ সময়ে এক খালা গরম ভাত—তরকারি না পেলেও চলে। কেবল একটু নুন, কিন্তু গরম ভাত এক খালা চাই-ই। কিন্তু কে তাকে ভাত দেবে? বাতাবীটা খেয়েই কাটানো যাক।

সে ঝাঁদলটার কাছে এগিয়ে গেল। নিশ্চিত আছে যে, ওর মধ্যে লেবুটা আছেই। কিন্তু ঝাঁদলটার মধ্যে হাত দিয়ে দেখে, লেবুটা নেই, কক্ষিখানা আছে! কে নিলে? সে তাড়াতাড়ি আবার হাত ঢুকিয়ে দিলে। না—নেই তো। বাঃ! বেশ মজা।

ভোষোল এ-দিক, ও-দিক তাকাতেই দেখে, একটা ছেলে লেবুটা নিয়ে ছুটে পালাচ্ছে। ‘আমার জিনিষ চুরি?’ ধব—ধব—ধব। ভোষোল চোরের পিছনে ছুটলো। অন্য ছেলেরা এতক্ষণ ব্যাপারটা কী ঠিক করতে পারে নি। হাঁ করে দাঁড়িয়ে ছিল। এবার দেখলো, তাদের নেলো পুকুর-পাঁড় দিয়ে পাইঁ পাইঁ করে ছুটছে—তার বগলে একটা পাকা বাতাবী লেবু—আর নেলোর পিছনে ছুটছে অচেনা ছেলেরা। তারাও হেঁ-হেঁ করতে করতে ছুটলো।

ছুটতে ছুটতে সকলে পুকুর পার হয়ে গেল। সামনে লাহিড়ীদের লক্ষী-নারায়ণের পুরনো মন্দির। তার পাশ দিয়ে পায়েরা পথ। পথের ওধারে বোঁপ-জঙ্গল-কচুবন। সকলে ছুটতে ছুটতে মন্দিরের চত্বর পার হয়ে গেল।

এবার ভোষোল ছেলোটাকে ধরে ধরে। ছেলোটীও একবার পিছন ফিরে দেখলো। দেখেই বুঝলো, আর রক্ষা নেই। সে বগলের লেবুটা হাতে নিয়ে ঝোপের মধ্যে ছুঁড়ে ফেলতে গেল। অমনি ভোষোল ছুটে এসে খপ্পু করে তার হাত চেপে ধরলো। দুজনেই হাঁফাচ্ছে। ছেলোটী হাঁফাতে হাঁফাতে বললে,—‘হাত ছাড়া!’

ভোষোল তার হাত থেকে লেবুটা কেড়ে নিয়ে নড়া ধরে জোর এক ঝাঁকানি দিয়ে বললে,—‘চোর! আমার লেবু চুরি করে পালাচ্ছি!’

তারও দম আটকে যাচ্ছে। মুখ দিয়ে আর কথা বাঁর হলো না। কিন্তু রাগে বড় বড় চোখ দুটো আরও বড় হয়ে কোটর থেকে যেন বেরিয়ে আসছে।

পিছনের ছেলেগুলোও ইতিমধ্যে সেখানে এসে পড়েছে। তাঁরা ভোষোলদের দু’জনকে ঘিরে দাঁড়ালো। সকলেই হাঁফাচ্ছে। একজন জিগেস করলে,—‘কী হয়েছে? কে তুমি?’

ভোষোল তার কথার কোন জবাব না দিয়ে সেই ছেলোটীর নড়া ধরে আবার এক ঝাঁকানি দিয়ে বললে,—‘কেন আমার লেবু চুরি করেছিলি?’

ছেলেগুলো একসঙ্গে বলে উঠলো—‘তোমার লেবু? তোমার নাম লেখা আছে ওতে? ছেড়ে দাও ওকে—’

ভোষোল বললে,—‘না-না। তোদের আর সর্দারি করতে হবে না। এ—ক চ—ড়ে—’

একটা ছেলে অমনি কঁাদ কঁাদ হয়ে ভোষোলের মুখের কাছে মুখ এনে বলতে লাগলো,—‘ওরে বাঁবাঁরে—কোঁথা ঝাঁব—ও—ও—ও—ও—? একটা পিপড়ের গঁ—অ—ত—ও—উ—হঁঃ—হঁঃ!’ তারপরই ধমক দিয়ে বললে,—‘এখনই ছাড় বলছি। না ছাড়লে—বলেই সে ভোষোলকে এক ঠেলা মারলো।

ভোষোলও সঙ্গে সঙ্গে তার গালে এক চড় কষে দিলে। গালটা লাল হয়ে উঠলো।

ছেলের দল তখন রাগে, অপমানে পাগলের মতো হয়ে গেল। তাঁরা চারধার থেকে ভোষোলকে আক্রমণ করলো। কেউ কিল মারে,



কেউ চড় মারে, কেউ খামচি দেয়, কেউ কাপড় ধরে টানে, কেউ লেংগি মারে।

ছেলেদের মার খেয়ে ভোম্বোলের চেহারা হয়ে উঠলো ভয়ংকর। তার কাকা আর স্কুলের মাষ্টার-মশাই ছাড়া আর কেউ আজ অবধি তাকে মারতে সাহস করে নি। এ গাঁয়ের ছেঁড়াবাদের মার সে হজ্ব করবে? সে একহাতে বেপরোয়া খুসি ও লাথি চালাতে লাগলো। কারো পেটে লাগে, সে কোঁক করে ওঠে; কারো পিঠে লাগে, ধম করে শব্দ হয়; কেউ নাক ধরে বসে পড়ে।

বেগতিক দেখে একজন বলে উঠলো,—‘এই হেবো, যা তো; বাড়ি থেকে সড়কিখান নিয়ে আয়।... জানিসু স্তায়ের! এ গাঁয়ের নাম মানিকপুর?’

পথের পাশে হাত দুই লম্বা একখানা বাঁশের আগা পড়েছিল। ভোম্বোল চট করে সেটা তুলে নিয়ে মাথার ওপর ঘোরাতে ঘোরাতে বলতে লাগলো,—‘তার আগে ভোম্বোর মাথা ফাটাবো। চলে আয় সব মানিকপুরী—ই—ই।’

বাঁশ দেখে ছেলেগুলো আর দাঁড়ালো না; দেখতে দেখতে চারধারের ষোপ-জঙ্গল-গাছপালার মধ্যে মিলিয়ে গেল। ভোম্বোল দেখলো, আর খাকা ঠিক নয়। যুদ্ধে তো তারই জিত হয়েছে। সে বাঁশের আগাখানা কাঁধে নিয়ে যে-পথে এসেছিল, সে-পথে তাড়াতাড়ি ফিরে চললো। তার বুক-পিঠ জ্বালা করছে। একটা ছেলে খামচে একেবারে রক্ত বান্ন করে দিয়েছে। ই:!

নর
পাঠশালায়

গাঁয়ের পথে রোদ পড়ে না, কেবল ছায়া—

ভোম্বোল একটা নতুন পথে ছায়ায় ছায়ায় বেতে লাগলো! গাঁ
যেখানে শেষ, সেখান থেকে আবার ক্ষেত-খামার শুরু। তার শেষে
যে গাঁ তা একেবারে আকাশে নিশে আছে। মানিকপুর থেকে কতদূর
হবে, কে জানে? পথটা যেন একখানা বিশাল ধনুক। ভোম্বোল
একবার সেপিক পানে তাকালো। উঃ! কী রোদ। চোখ বেঁলে
তাকানো যায় না!

সে একটা গাছতলায় বঁসে কাপড়ের এক মুড়ো ছায়ার বাইরে
রোদে বেলে দিলে। চারধারে তাকিয়ে দেখলো, কেউ কোথাও নেই—
কেবল কিছু তকাতে একখানা প্রকাণ্ড টিনের আটচালা দেখা যাচ্ছে।
সেখান থেকে শব্দ আসছে—‘একের পিঠে এক এ-গা-রো-ও—’
ভোম্বোল বুঝলো, ওটা, একটা পাঠশালা। ছেলেগুলো গাঁ মাথায়
করে শড়কে পড়ছে।

ভোম্বোল পাঠশালাটার দিকে মূৰ করে লেবুটা ছাড়িয়ে খেতে
লাগলো। ভারি মিষ্টি লেবু। এই জন্যেই মতে কুমোর কাউকে
খেতে দেয় না। এর সঙ্গে যদি একটু নুন হতো! তা’হলে কেয়া
মজা!

লেবু খেতে খেতে রোদে কাপড়ের মুড়োটা শুকিয়ে এলো।
ভোম্বোল সে মুড়ো পরে আর এক মুড়ো তেমনি ক’রে রোদে দিলে।
কিছুক্ষণের মধ্যে সেটাও শুকিয়ে গেল। এবার আর কোমর না বেঁধে
সে মুড়োটা সে গায়ে দিলে। ক্ষিধেয় পেট তখনও জ্বলছে। একটা
বাতাবী লেবুতে অমন যগা ছেলের কী হবে? সে চারধারে তাকিয়ে



দেখলো, কোথাও কোন ফলের ঝাঁছ আছে কিনা? বছরের এসময়ে বাতাবী ছাড়া আর কোন ফল পাওয়া যায়? তবে কয়েকটা ভাল কল, এ সময়ে ফলে—কলা, নারকোল, পেয়ারা, আতা। ঐ যে পাঠশালার ওখানে কয়েকটা নারকোলগাছ ও কলার ঝাড় দেখা যাচ্ছে। এক কাঁদি কলাও পড়েছে যেন।

ভোষোল আস্তে আস্তে সেদিকে এগিয়ে গেল। বেশ বড় বড় কলা। সে আরও কাছে গিয়ে দেখলো—কাঁদিটা পাঁকাও নয়, পাকারও নয়, কাঁচকলার। আর, নারকোলগাছে নারকোল আছে বটে, কিন্তু পাড়বে কে? সে নারকোলগাছে চড়তে পারে না।

যাক। কলা-নারকোল খেয়ে দরকার নেই। একবেলা না খেলে কী হয়? ছেলেরা তখন নামতা পড়ছে—‘সাতনম তেষটি—ই—ই।’

তার ইচ্ছে হ'লো, একবার পাঠশালাটা দেখে যায়। সে বড় ইচ্ছুলের ছাত্র। পড়ে ফোর্থ ক্লাসে (ক্লাস সেভেনে)। ফোর্থ ক্লাসের ছেলের সঙ্গে চানাকি নয়। তাদের অনেক বই। অ্যালজেব্রা আর সংস্কৃত ঝঞ্জুপাঠের নাম শুনলেই পাঠশালার পোড়াদের চক্ষু রসগোলা। ওরা ইংরেজীরও কিছুই জানে না। কেবল জানে বাঙলা আর শুভঙ্করী। বাঙলা আবার কেউ পড়ে নাকি? তবে হাঁ, শুভঙ্করীটা—কথাটা ভাবতে ভাবতেই সে পাঠশালার সামনে এসে পড়লো।

তাকিয়ে দেখলো, একঘর ছেলে। ছেলেগুলো ধাড়ী ধাড়ী, কারো কারো গৌঁফ বেরিয়েছে। তাদের মাঝে পণ্ডিতমশাই একটা পুরনো টেবিলের সামনে, একখানা হাতলভাঙা চেয়ারে আগন-পিঁড়ি হয়ে বসে আছেন। তাঁর নাকের ডগায় কালো ফ্রেমের স্টালের বাঁকা ভাল চশমা, মাথার চুল কাঁচা-পাকা। গায়ে আধময়লা পাঞ্জাবীর ওপর একখানি আধময়লা উড়ুনি আলোয়ানের মতো করে জড়ানো। টেবিলের নিচে তার বহাদিনের পুরনো মাথা-বাঁকা চটি জোড়া দেখা যাচ্ছে। তাদের গোড়ালি অনেকখানি ক্ষয়ে গেছে।

ছেলেদের নামতা পড়া শেষ হ'লো। কিন্তু বেজায় হটগোল হচ্ছে। পণ্ডিতমশাই শ্রেটের একখানা ফ্রেমভাঙা হাতে নিয়ে টেবিলের ওপর

খঁটাখঁই করে ঠুকলেন। অমনি গোলমাল কিছু ধামলো, যেন এক ঝাঁক নৌ-মাছি গুন্‌গুন্ করতে করতে দুয়ে উড়ে গেল।

আরে ঐ যে! ভোম্বোল এতক্ষণ দেখে নি, একটা ছেলে পা ফাঁক করে দাঁড়িয়ে। ওর দু'হাতে দুখানা ইট। ছোঁড়াটা কী শয়তান! অমনি করে দাঁড়িয়েও কাঁকে যেন জিত ভ্যাংচাচ্ছে।

ঐ কোণে ওটা আবার কে? হাঃ—হাঃ—হাঃ! নাড়ুগোপাল! ছেনেটা মাটিতে তিন হাত-পায়ের ওপর ভর দিয়ে নাড়ু-গোপাল হয়ে আছে। হাতে নাড়ুর বদলে আধখানা ইট।

ভোম্বোল আরও মজা দেখতে পাঠশালার বারান্দায় উঠে খুঁটি ধরে দাঁড়ালো। ঘরের মধ্যে সেই কোণ থেকে একটা ছেলে নাশিশ করলো,— 'পোন্‌শাই, গোপ্লা আমার বগলে কাতুকুতু দিচ্ছে—এ—এ—'

আবার পণ্ডিতমশাই খঁটাখঁই টেবিল ঠুকতে ঠুকতে বলে উঠলেন,— 'এই! সব চুপ!'

সেই ছেলেটা এবার উঠে দাঁড়িয়ে বললে,— 'পোন্‌শাই, আমার বগলে—এ—এ—'

পণ্ডিতমশাই হাঁক দিলেন,— 'নিয়ে আয় গোপ্লার কান চেপে ধরে—এ—!'

অমনি চার-পাঁচটা ধাড়ী ছেলে চারধার থেকে ছুটে গেল গোপ্লার কান ধরতে। যে ছেলেটা দু'হাতে কান চাকলো, ওরই নাম গোপ্লা! হাঃ—হাঃ—হাঃ! ছেলেগুলো গোপ্লার হাত সরিয়ে দিয়ে তার দুকান চেপে ধরে টানতে টানতে পণ্ডিত মশাইয়ের কাছে নিয়ে এলো। পণ্ডিতমশাই গোপ্লার ধাড় ধরে ধমক দিলেন,— 'বঁদরটা! কেবল খুনশুড়ি!' বলেই পিঠে থপ করে মারলেন, এক চড়।

এদিক থেকে একটা ছেলে বললে,— 'পোন্‌শাইয়ের ধাবা। এই! কাঁদ কাঁদ। না কাঁদলে আরও ধাবাবে!'

গোপালও অমনি 'ওঁরে ধাবাবে' বলে কাঁদতে কাঁদতে পিঠ বেঁকিয়ে ছুটে পালালো।

ঠিক তখনই ভোম্বোলের মনে হলো পিছনে একটা প্রকাণ্ড শুরোর চৌচাচ্ছে। কিন্তু ফিরে দেখে, শুরোর নয়, একটা ছেলে! চার-পাঁচটা ধাড়ী ছেলে ছেলেটাকে চ্যাংশোলা ক'রে নিয়ে আসছে। আর, ছেলেটা হাত-পা ছাড়াবার চেষ্টা করতে করতে গলা ফাটিয়ে চীৎকার করছে। সে কিছুতেই আসবে না। ঐ ছেলেটাকে আনতে চার-পাঁচ জনেও পারছে না? হোঃ—হোঃ! ভোম্বোল ত্রো একাই পারে। মুগ্ধরর একটি প্যাঁচে বাছান কাঁচপোকার মুখে উইচিংড়ির মতো হয়ে স্‌ড্‌ স্‌ড্‌ ক'রে চ'লে আসবে।

ছেলেরা তাকে এনে পাঠশালার বারান্দায় তুললো। ছেলেটা এবার এমন চীৎকার ও কান্না আরম্ভ করলো যেন তার ভয়ানক পেট ব্যথা করছে, কান কাট কাট করছে, দাঁতগুলোর গোড়ায় আঁচ-দশটা পোকা কামড়াচ্ছে। কী যন্ত্রনা রে বাপ! সে কেবলই বলছে,— 'আমায় ছেড়ে দেবে! ওরে বাবাবে! আমি পাঠশালায় যাবো না—ওরে আমায় মেরে ফেললে রে—ও মা—আ—আ—হা—হা—'

পণ্ডিতমশাই বারান্দায় বেরিয়ে এলেন। ছেলেরাও তাঁর পিছু পিছু ছড় ছড় করে বেরিয়ে এলো।

পণ্ডিতমশাই বললেন,— 'নিয়ে আয় এদিকে। শুরোরটা রাজ পালাবে—'গাছে চড়ে থাকবে—'

ছেলেটা পণ্ডিতমশাইকে দেখেই কান্না গিলে ফেললো—এখন ফৌঁপাচ্ছে।

পণ্ডিতমশাই তার হাত চেপে ধরে বললেন,— 'চল্ ভেতরে। তোর পড়ায় এত ভয় কিসে? এরা পড়ছে কী ক'রে? চল্—'

ছেলেটা ফৌঁপাতে ফৌঁপাতে তাঁর সঙ্গে চললো। তার দুটি গাল চোখের জলে ভেসে যাচ্ছে; কয়েক ফৌঁটা বুকেও পড়ছে। তার অবস্থা দেখে অন্য ছেলেগুলোর কী স্‌কৃতি!

ভোম্বোলও হাসি চাপতে পারলো না—হাসতে হাসতে পরের গাঁয়ের দিকে চললো।

দশ
কাছিমদহর হাতে

মাঝ পথে যেতেই বেলা দুপুর—

পূর্ব-পশ্চিম থেকে এসে আরও দুটো পথ সেই পথটার সঙ্গে মিশেছে।
পথ তিনটির ধারে ধারে বাবলাগাছ। আর কোন বড় গাছ নেই। পথের
ওপর তাদের কাঁটা, ছোট ছোট পাতা সেই সঙ্গে একটু একটু ছায়াও
পড়েছে।

সেদিন ছিল হাটবার। পথে যেতে যেতে হাটুরেদের সঙ্গে
ভোম্বোলের দেখা হ'লো। তারা বেসাতি নিয়ে চলেছে—কারুর মাথায়
পাট, কারুর মাথায় গামছা, কেউ নিয়েছে এক বাঁকা বেগুন, কেউ বা
নিয়ে চলেছে এক ধামা পেঁয়াজ। আবার, কেউ বা দুটো মড়াথেকে
খাসিকে দড়ি ধরে টানতে টানতে নিয়ে যাচ্ছে; খাসি দুটো যায় আর
ডাকে—'ম্যা—ম্যা—ম্যা—' করো করো মাথায় খালি ধামা ও
পাটকরা বজা অথবা হাতে খালি বোতল।

ভোম্বোল একজনকে জিগ্যেস করলে,—'পথটা কোন্ গাঁয়ে গেছে
গো ?'

লোকটা তার কথার কোন জবাব না দিয়ে জিগ্যেস করলে,—'তুমি
যাবে কোথা ?'

ভোম্বোল বললে,—'রেলরাস্তা—'

—'রেলরাস্তায়। তা' এ পথ দিয়ে যাওয়া যাবে। ঐ যে ছামনে
কাছিমদহর হাট—ওরই ওধারে খান দুই গাঁ পরে রেলের রাস্তা। কোথা
থেকে আসছো ?'

—'মানিকপুর।'

—'মানিকপুর থেকে ? ইদিকে কেন ?'



—‘ঐ রেলরাস্তার ধারে এক গাঁয়ে যাব।’

—‘গাঁয়ের নাম কী?’

ভোম্বোল কোন জবাব দিলে না; লোকটাকে ছাড়িয়ে গেল। লোকটা আপন মনেই বললে,—‘ছোঁড়াটা সেয়ানা।’

পথও ফুরিয়ে আসছে, বেলাও গড়িয়ে গেল। ঐ যে সামনে হাট। চারধারে লোক গিঞ্জ গিঞ্জ করছে। এখান থেকে হাটের মহা কোলাহলকে মনে হচ্ছে যেন বন্যার জনশ্রোতের শব্দ—কল কল, কল কল।

ভোম্বোল হাটের ধারে এলো। পথের পাশেই জমিদার-কাছারি। মস্ত টিনের আঁচালা। তার পাকা বারান্দায় পিয়াদা-বরকন্দাজেরা ও জন কয়েক লোক—কেউ দাঁড়িয়ে, কেউ বসে; কেউ কলকেতে তামাক খাচ্ছে, কেউ-গর করছে। ঘরের ভেতর চৌকির ওপর ফরাসে কয়েক-জন মুছরি বসে। প্রত্যেকের সামনে একটা করে কাঠের হাতবান্ন। তারা মাড় গুঁজে কী যেন লিখছে। আর, ঐ যে খালি গায়ে চশমা চোখে বসে গড়গড়া টানছেন, উনিই বোধহয় কাছারির নায়েবমশাই। নায়েবমশাইয়ের ভুঁড়িটা বেশ—যেন জয়ঢাক।

ভোম্বোল আস্তে আস্তে বারান্দায় উঠলো। নায়েবমশাইয়ের ভুঁড়িটা দেখতে বেশ মজা লাগে। হাসি পায়। সে ভুঁড়িটার দিকে তাকিয়ে নায়েবমশাইয়ের মুখের দিকে চোখ তুলতেই ভোম্বোলের সঙ্গে তাঁর চোখোচোখি হ’লো। অমনি মনে হলো, তাঁকে যেন সে কোথায় দেখেছে। কোথায়? কোথায়? নায়েবমশাইও এবার যেন ভোম্বোলকে চশমার ওপর দিয়ে ভাল করে দেখছেন। মিনিট খানেক লক্ষ্য করেই বলে উঠলেন,—‘আরে! ঐ তো আমাদের হারাণবাবুর ভাইপো ভূপেন। ওর ডাকনাম ভোম্বোল। ছোঁড়াটা বাড়ি থেকে পালিয়েছে। এই ইংরেজের বাপ, এই বিলাতালি, ওরে ফটকে—ছোঁড়াটাকে ধর—’ বলতে বলতে নায়েবমশাই ভুঁড়ি দু’লিয়ে ফরাস থেকে নামলেন।

ভোম্বোলও এবার তাঁকে চিনতে পেরেছে। নায়েবমশাই তার কাকার বন্ধু, ব্রজ ভট্টাচার্য। সেবার তাদের বাড়ি গিয়ে দু’দিন ছিলেন। মর্ধন হাসেন তখন মনে হয়, একটা হিপোপটেমাস্ হী করে আছে। তাঁর হাসির আওয়াজ সারা পাড়ার লোক শুনতে পায়। নায়েবমশাই

ফরাস থেকে নামতে নামতেই ভোষোল একলাফে নিচে নেমে হাটে বিশেষ গেল।

সে কারুর বগলের তলা দিয়ে, কারুর পেটের কাছ দিয়ে, কারুকে কনুইয়ের গুঁতো মেরে হাটের মধ্য দিয়ে একরকম ছুটতে লাগলো। নায়েবমশাইয়ের পিয়াদা-বরকন্দাজে হাট ভরা। এখনই তাদের হাতে ধরা পড়তে হবে। ওদিকে ইংরেজের বাপ বিলাতালি, ফটকে, কমরদি, রত্না প্রভৃতি পিয়াদা-বরকন্দাজেরা বড় বড় লাঠি নিয়ে হাট ঘিরে ফেললো। ব্যাপারটা যে কী কেউ বুঝতে পারছে না। চারধারে গোলমাল, চঞ্চলতা আরও বাড়লো। ভোষোল যেতে যেতে শুনলো, একজন বললে,—‘নায়েবমশাইয়ের বেটা চুরি হয়েছে—’

ভোষোলের হাসি এলো। সে সামনের একজনকে ধাক্কা দিয়েই তার মুখের দিকে তাকিয়ে দেখে, লোকটি ঘম্শী খুড়ো। খুড়ো ভম্ভি দিয়ে মুড়ি কিনছিলেন। ভোষোলের ধাক্কার কড়কগুলো মুড়ি ছিটিয়ে গেল। তিনি হংকার দিয়ে সোজা হয়ে দাঁড়িয়েই দেখেন, সামনে ভোষোল। ঐ দেখাই গার। ভোষোল ততক্ষণে দশটা লোক পার হয়ে গেছে। ঘম্শী খুড়ো হাঁক দিলেন,—‘ধর—ধর—ঐ যায়—’

তার কথা শুনে আশ-পাশের সকলে বলতে লাগলো,—‘ধর—ধর—ঐ যায়।’

কিন্তু কে যায়, কোথা যায়, কেউ বুঝতে পারে না। ভয়ে ভোষোলের বুক চিপ্ চিপ্ করছে। এবার আর রক্ষা নেই। ধরা পড়তেই হবে।

সে যদিবে বাচ্ছিন্ন সেদিকে একখানা প্রকাণ্ড বাগান দেখা যাচ্ছে। লোকজনও সেদিকে পাতলা। খান কয়েক গরুর গাড়ি মুখ খুবড়ে পড়ে আছে। নাকে দড়ি বেঁধা গরুগুলো শুয়ে শুয়ে জাবর কাটছে। ভোষোল ভীড় ঠেলে বেরিয়ে—বেড়া ডিঙিয়ে একেবারে বাগানের মধ্যে পড়লো। পড়েই আর দাঁড়ালো না—ছুটে লাগলো। সারাদিনের পথচলার

শরীর ক্লান্ত। তার ওপর সকাল থেকে এক বকম উপবাসী। ছুটে কষ্ট হচ্ছে। তাহোক। তবু সে ধরা দেবে না।

বাগানখানার ওপরে গড়ক। হাটুরেরা আসা-যাওয়া করছে। ভোষোল বেড়া গলিয়ে বাগান পার হয়ে গড়কে উঠলো। দম বন্ধ হয়ে আসছে; তবুও বসে জিরতে সাহস হলো না, সে পথ ধরে চললো।

এগারো
পুঁটিমারীর পথে

ভোমোল যায় আর পিছন ফিরে তাকায়। এবার যদি কেউ তাঁকে তাড়া করে তাহলে সে আর ছুটতে পারবে না। অথচ ব্রজবাবুর এলাকা ছাড়িয়ে যাওয়া চাই।

কিন্তু জমিদারের পিয়াদা সব জায়গায় ধোরে। এই রাস্তা ধরে কিছুদূর গিয়ে কোথাও বসে জিরবে। ব্রজবাবু তাঁকে চিনলেও পিয়াদারা তো তাঁকে চেনে না। তবে একবার দিকটা ঠিক করে দেখা যাক। এই তো তাঁর সামনে সূর্য চলে পড়েছে। সে ঠিক পথেই যাচ্ছে।

পথের দু'ধারে ঘন বাঁশবন। বাতাসে বাঁশ-পাতাগুলো ধ্বংস করে কাঁপছে, ওলট-পালট খাচ্ছে। বাঁশগাছগুলো গায়ে গায়ে চলে পড়ছে। আর, শব্দ হচ্ছে—'ট'স্ ট'স্।'

একটা চাষীর ছেলে হাট থেকে ফিরছিল। তাঁর মাথায় শওলা। ভোমোল তাঁকে জিগ্যেস করলে,—'এপথ কোথায় গেছে রে?'

ছেলেটা ভোমোলের দিকে একবার আড়চোখে তাকালো। তাঁর কথার কোন জবাব দিলে না।

ভোমোল আবার জিগ্যেস করলে,—'এই, পথটা কোন্ দিকে গেছে?'

ছেলেটা আস্তে আস্তে বললে,—'পুঁটিমারী।'

—'তোমার বাড়ি কোথায়?'

ছেলেটা এবার চট করে পিছন ফিরে হাটের দিকে মুখ করে চাৎকার করে ডাকলো,—'ও আন্না—আ—'



ভোষালের হাসি এলো। ছোঁড়াটা তব্ব পেয়েছে। তাকে দেখাচ্ছে, সত্যি যেন ওর কাঁবা পিছন পিছন আসছে। ভোষোল বললে,—
'তব্ব কী রে? আমি পুঁটমারী যাবো। এখান থেকে কদ্দুর বল না?'

ছেলেটা তাঁর বঁধায় সাঁহস পাওয়া দূরে থাক্, হাটের দিকে কয়েক পা এগিয়ে গেল। ভোষালের ইচ্ছে হ'লো, বোকা ছোঁড়াটার গালে দেয় দুটো চড় বসিয়ে। আস্ত ভূত!

সেই সময় জনকয়েক লোক তাড়াতাড়ি হাটের দিকে আসছিল। ভোষোল তাদের একজনকে জিগোস করলে,—'পুঁটমারী কতদূর গো?'

লোকটা ঘাড় না ফিরিয়ে পিছন দিকে হাতটা একটু বঁকিয়ে বললে,—'এই ছামনে।'

—'সামনে কদ্দুর?'

—'ঐ খাল-পার' বলতে বলতেই লোকটা চলে গেল।

কী বিপদ! গাঁয়ের মানুষ কিছুতেই দুরত্বের কথা ঠিক বলবে না। ওদের কাছে চারকোশ দূরের গাঁ-ও,—'ঐ যে!'

এদিকটায় পথের ধারে ধারে লোকের বসতি। কোথা থেকে যেন এসে ভোষালের সমুখ দিয়ে নাকে দড়ি গাঁথা একটা মোঘ উটের মতো মুখ তুলে বড় বড় চোখ বাঁর ক'রে এদিক-ওদিক তাকাতো তাকাতো চলতে লাগলো। ভোষোল মোঘের ডাক নকল করতে পারে। সে একবার পিছন ফিরে তাকালো। সর্বনাশ! লাঠি হাতে বাবরি-চুলো ঐ লোকটা ছুটে আসছে কে? পিয়াদা নাকি? সে এক দৌড়ে পথ থেকে একখানা বাড়ির ঘরের আড়ালে গিয়ে দাঁড়ালো।

ঘরখানা টেকি-শাল। গৃহস্থ-বউ তখন টেকিডে পাড় দিচ্ছে। টেকির শব্দ হচ্ছে—'ক্যাঁচোর ধপ্প। ক্যাঁচোর ধপ্প।' বউ বোধ হয় চিড়ে কুটছে।

ভোষোল ঘরখানার বেড়ার পাশ থেকে একটা চোখ বাঁর করে দেখলো, লোকটা ছুটতে ছুটতে মোঘটার সামনে এসে তাকে অশ্লীল ভাষায় গালাগালি দিতে দিতে তাঁর পিঠে নির্দয়ভাবে লাঠি চালাতে লাগলো। মার খেয়ে মোঘটা ফৌঁস করে একটা নিঃশ্বাস ফেলে হাটের

দিকে ফিরলো। ভোষোলের বুকটা হালকা হলো। লোকটা পিয়াদা নয়, গাঁড়োয়ান। গাঁড়োয়ান না হ'লে বে'ঘটাকে এমন ক'রে ঠাণ্ডায় ?

সে আবার পথে উঠে চলতে লাগলো। শিবনের শেষে ক্ষেত; বেশি বড় নয়। তার মধ্যে একটা খাল দেখা যাচ্ছে। খালের ওপারে একখানা গা। গা থেকে ঢোল-কাঁসির আওয়াজ ও সানাইয়ের সুর ভেসে আসছে, অন্ন অন্ন।

ভোষোল খালের ধারে পৌঁছবার আগেই দেখলো, ও-পার থেকে একখানা জুলি আসছে। জুলিখানা শাদা কাপড়ে ধেরা। ওর মধ্যে নিশ্চয় ফোন বউ আছে। পূজো এলো। বউ বে'ঘর বাপের বাড়ি যাচ্ছে। পূজোর সময়ে তার খুঁড়তুতো বোন রাণী-দিদিও বাড়ি আসবে। রাণী-দিদিও পালুকিতে আসে। অনেক দূর থেকে বেহারাদের 'হুম্ হুম্ হো-ও; হুম্ হুম্ হো-ও' সুর শোনা যায়। আর, সেই সুর শুনে সকলে বাহিরে এসে দাঁড়ায়। পালুকি এসে বাঁর-বাড়ির উঠোনে নামতেই দিদি দরজা খুলে তাঁর মধ্য থেকে হাসতে হাসতে বেরিয়ে আসে।

রাণী-দিদির ছেলে খোকনটা ভারী দুটু। সকলে বলে—সে ভোষোল-সামার মতো দুটু হয়েছে। ভোষোল খোকনকে খুব ভালোবাসে। খোকনটা রোজ তাঁর কালির দেয়াত উল্টে ফেলবে; ইংরেজী বইখানা তো ছিঁড়ে-কুটে তার একখানা পাতাও আঁস্ত রাখেনি। বই দেখলেই সেখানা তাঁর চাই-ই। বই খুলে পা ছড়িয়ে বসে বলবে—'অ'। রাণী-দিদি বলে,—'কেড়ে নে না—একটা খাপড় মা' না।'

কিন্তু অতটুকু ছেলেকে কী মারা যায়? খোকনের জন্যে ভোষোলের মন কেমন ক'রে উঠলো। সে এসে তাকে এ-ঘর, ও-ঘর নিশ্চয় খুঁজবে। খুঁজুক—ভোষোল অনেক দিন পরে তাঁর জন্যে অনেক রকমের খেলনা নিয়ে যাবে।

জুলিখানা 'হুম্ হুম্' করতে করতে তাঁর পাশ দিয়ে চলে গেল।

সরু খাল; অন্ন জল। ভোষোল স্বচ্ছন্দে পান হয়ে গেল। ও-পারে উঠে কিছুদূর গিয়েই ঢোল-কাঁসি ও সানাইয়ের আওয়াজ বেশ ষ্পষ্ট শুনতে পেল—ওরা যেন বলছে—'দুধা ছাগল ঠ্যাং ঠ্যাং—উঁহ—হঁ—উ—উ—।'

এখন আবার কী রে বাপু? পূজোর তো এখনও চারদিন বাকী। কিন্তু এ কী? সে বে দক্ষিণ দিকে চলেছে। তা' হোক। রাতখানা ঐখানে কোথাও কাটবে, সকালে আবার পশ্চিমের শব্দ ধরবে।

সে, গাঁয়ে ঢুকলে খান কয়েক বাড়ি ছাড়িয়েই দেখে সামনে একখানা বাড়ির বাইরের উঠোনে নন্দু সামিয়ানা ঝাটানো। তার নিচে লোকজন চলা-ফেরা করছে; অনেক বসেও আছে। আর, তাঁর এধারে সামতলার চাটাইয়ে ব'সে ঢুলিরা বাজাচ্ছে। আর একটু এগোতেই গাওয়া গিয়ে লুচি ভাজার গন্ধ নাকে এলো। ভোষোল একজনকে জিপগোয় করলে,—'কী হচ্ছে গো?'

লোকটি সেখান থেকে ধেয়ে ফিরছিল। তাঁর বাঁহাতে পান ও এক গেলিস পান্ডুয়া; ডান হাত এঁটো—বাড়ি গিয়ে ধোবে; পেটটা ডুমির বস্তার মতো। লোকটা বললে,—'রায়মশাইয়ের নাতির অন্নপোশান। যাও—বাও—ছেলেরা সব বসেছে—'

ভোষোলের খাবার ইচ্ছে ছিল। কিন্তু বিনা নিমন্ত্রণে সে কী ক'রে খাবে? তবুও সে এক পা এক পা করে এগিয়ে সামিয়ানার তলায় গিয়ে দাঁড়াতেই তাঁর পাশ থেকে কে যেন ব'লে উঠলেন,—'আরে ছোঁড়া! তুই এখানে দাঁড়িয়ে কেন? যা—যা—আচ্ছা, চল আমার সঙ্গে—'

ভোষোল ফিরে দেখে, মোটা-মোটা, ফর্দা, হাসি-হাসি মুখ একজন লোক। তাঁর মাথায় মস্ত টাক-টাকটা চক্‌চক্‌ করছে—হাতে নতুন ডাবা-হুকো, পায়ে বোলে-লাগানো বড়ন। তিনি বললেন,—'ওরে নরহরি! এই ছেলোটিকে নিয়ে গিয়ে বসিয়ে দে। অন্নপোশনে ছেলেরই পেট ভরে আগে খাওয়াতে হয়। কিন্তু তোমরা তো তা করছো না—বলতে বলতে তিনি ষাঁ ষাঁ ক'রে দু'পা এগিয়ে গেলেন।

নরহরি বললে,—'আজ্ঞে—হাঁ—এই যে—মানে সব এক সঙ্গে ব'সে গেল কিনা, তাই জায়গার একটু টান পড়লো।' চলো খোকা—'বলে নরহরি ভোষোলের হাত ধ'রে নিয়ে চললো। যেতে যেতে একটা চাকরকে বললে,—'বেটা, শিগুগির যা—কতীর কলকের আওন নেই—'

চাকরটা ছুটলো। ভোষোলের মনে হলো, উনিই রায়মশাই।

বারো

ভোষ

গায়ে জামা নেই, কাপড় ময়লা, খালি পা, নিমন্ত্রণ-বাড়ির লোকদের মাঝে যেতে ভোম্বলের বড় লজ্জা করতে লাগলো। সে একবার ভাবলো, 'ফিরে যাই।' কিন্তু নরহরি ততক্ষণে টানতে টানতে তাকে একেবারে খাবার জায়গায় এনেছে। জায়গাটা বাড়ির ভেতরের মস্ত উঠোন। ওপরে লাল সামিয়ানা; চারধারে বড় বড় টিনের ঘর। ঘরগুলোর দেয়াল মাটির, বেয়ে পাঁকা। ওধারে একখানা দালান। দালানটারই পাশে ভিয়েন হচ্ছে।

খাবারের জায়গার একদিকে ছেলের আর একদিকে বড়র দল। ছেলেরা মহা হটগোল বাধিয়েছে। পাঁকা ফলার। তখন লুচি দেওয়া হচ্ছিল। সকলেই হাত বাড়িয়ে বলছে,—'আমায় আর একখানা।' যে লোকটি লুচি দিচ্ছে, সে লুচির ঝুড়িটা মাথায় ওপর তুলে বলছে,—'আগে সব ঠিক হয়ে বোস।' খেতে পারলে একখানার জায়গায় দশখানা পাবি। ভারী তো সব খানেওলা! কেউ খাবি দেড়খানা; কেউ খাবি দু'খানা। কেউবা আড়াইখানা খেয়েই কোমরের কষি খুলবি। বোস—বোস!'

একেবারে সকলের শেষে তখনও একটু জায়গা ছিল। সেখানে একজন বসতে পারে। দালানটার বারান্দায় কুশাসন, কলার পাতা ও মাটির গেলাস পান্দা করা ছিল। নরহরি সেখান থেকে একখানা কুশাসন, খান দুই পাতা ও একটা গেলাস এনে ভোম্বলের জায়গা করে দিয়ে বললে,—'বোস। তোমার নামটা কী বল তো!'

ভোম্বল বললে,—'ভূপেন্দ্র নাথ চাকী।'

—'মুঠো! বোস!'

ছেলেগুলোর পোশাকের দিকে তাকিয়ে নিজের পোশাকের লজ্জা ভোম্বলের মন থেকে চলে গেল। সে দেখলো, অর্ধেক ছেলের গায়েই জামা নেই, কাপড় আশ-শা। তাদের চেহারা দেখলেই মনে হয়, বুন্দো।

ভোম্বল ব'সে/পড়লো। তাঁর পাশের ছেলোটা ভোম্বলের দিকে একবার তাকিয়ে তাঁর পাশের ছেলোটার কানে কানে কী যেন বললে। তারপর দুজনেই খিল্ খিল্ করে হেসে উঠলো। ভোম্বল একবার তার সামনে ও পাশের ছেলে দুটোর দিকে তাকালো। তারপর তাদের দিকে আর মনোযোগ দিলে না। কেননা তখন লুচি, শাকভাজা, বেগুনভাজা ও কুমড়োর হাঁক পাতে পড়ে গেছে;—মুড়িঘণ্ট আসে আসে, তার নাম পোনা যাচ্ছে।

ভোম্বলের তখন খুব ক্ষিদে থাকলেও ঠিক করলো ওগব বাজে খাবার খেয়ে পেট ভরাবে না। একেবারে শেষের দিকে চানাবে। সে মাত্র খান দুই লুচি খেলো, মাছটাও বাদ দিলে না। রুই মাছ, রান্নাটাও হয়েছে মাংসের মতো। মাছটাও টাটকা। রায়মশাইয়ের শীতলপুর মৌজা থেকে এসেছে। মাছের পরই এলো চাটনি; তারপরই দই। ভোম্বল দই তেমন ভালবাসে না। দই খেতে খেতেই এলো বৌদে।

ভোম্বলের পাশের ছেলোটা কোমরের কষি খুলে দিলে। তাঁর সামনের সারির একটা ছোট ছেলে উঠে দাঁড়াতেই তার কোমর থেকে কাপড় খুলে গেল। ছেলোটার পেট গণেশের পেটের মতো ফুলে উঠেছে। সে এদিক-ওদিক তাকাতে তাকাতে হাত চাইতে লাগলো। বৌধইয় ওর বাবাকে খুঁজছে; বলবে,—'আর খেতে পারছি নে।'

বোকা! একদম বোকা! নিমন্ত্রণ খাওয়ার মজা তো চাইনির পর থেকেই। ভোম্বলের পাতে এক খাবলা বৌদে পড়লো। বৌদেগুলো যেন এক একটা রসেভরা আঙুর। বৌদেগুলার পিছু পিছু আস্থে ক্ষীরের হাঁড়ি। এইবার মজা! ছেলেরা হে-হে করে উঠলো,—'ক্ষীর-ক্ষীর।' হাঁড়িটার মাথায় মাথায় ক্ষীর।

ভোম্বল বসেছিল একেবারে একধারে—সেদিক থেকে ফায়সটা। তাঁর পাতে থেকেই দেওয়া শুরু হলো। জমাট ক্ষীর, লাল রং, মিষ্টি গন্ধ। লোকটি খুরি দিয়ে ক্ষীরের মাথা ভাঙতে ভাঙতে ভোম্বলের

দিকে একবার তাকালো। সে ভোষোলকে চেলে না। তবু ভরা
খুরিটার সব ক্ষীর ভোষোলের পাতে ঝাঁকি দিয়ে চেলে দিলে। ভোষোল
ক্ষীর-বোঁদে একসঙ্গে মেখে খেতে লাগলো। দেখতে দেখতে পাত
খালি। ক্ষীরের হাঁড়ি আবার এলো, কিন্তু বোঁদের খালা নেই। না
খাঁকু, সে লুচি দিয়েই ক্ষীর খেতে লাগলো। ক্ষীরওলা তার খাওয়া
মেখে বললে,—‘বাঃ ভাই! আর দেবো?’

ভোষোল ঘাড় ঝাঁকিয়ে বললে,—‘দিন।’

কিন্তু হাঁড়ি তখন খালি। লোকটা খুরি দিয়ে হাঁড়ির গা ও তলা
টাঁছলো। তাতে যা উঠলো, সামান্য তাই ভোষোলের পাতে দিতে
দিতে বললে,—‘আচ্ছা, এনে দিচ্ছি।’ কিন্তু তারপর কাঁচাগোলা,
রসগোলা এসে গেল, সে ফিরে এলো না। যখন এলো, হাতে পান্ডয়ার
হাঁড়ি।

ভোষোল পান্ডয়া খুব ভালবাসে। পান্ডয়াগুলো নাকি এসেছে
মোনারহাট থেকে। লোকটি একসঙ্গে চারটে পান্ডয়া ভোষোলের পাতে
দিয়ে বললে,—‘খাঁও, ভাই।’ পান্ডয়াগুলো বেশ বড় বড় আর ক্ষীরে
ভরা। তার ভেতরে দুটি-একটি এলাচদানা। খাঁবার সময় দাঁতের
মাঝে পড়ে পুঁই করে ভেঙে ক্ষীরের সঙ্গে মিলিয়ে যাচ্ছে।

এই সময়ে রায়-মশাই তানাক চানতে চানতে সেদিকে এলেন।
আসতে আসতে সকলকে জিগোস করছেন,—‘তোর কী চাই রে?....
তুই খাচ্ছিস নে কেন? ..এই, তোর পেট ভরেছে?’ বলতে বলতে
তিনি ভোষোলের সামনে এসে দাঁড়ালেন। ভোষোল তখন শেষ পান্ডয়াটি
মুখে পুরেছে; তার গাল দুটো ফুলে উঠেছে।

রায়মশাই বললেন,—‘এই ছেলোটো তো বেশ খায়। এই হিজপদ,
ওহে গুনলো? হাঁড়ি নিয়ে এদিকে এস।’

হিজপদ রায়মশাইয়ের পাশে এসে দাঁড়াতেই রায়মশাই ভোষোলকে
দেখিয়ে বললেন,—‘দাঁও ঐ পাতে।’

লোকটি হাঁড়ি থেকে একজোড়া পান্ডয়া তুলে ভোষোলের পাতে
দিলে। দেখতে দেখতে সে দুটো উড়ে গেল।



রায়মশাই হাসলেন। হিজপদকে বললেন,—‘তোমার কস্ম নয়।’ বলে নিজেই হাঁড়ি থেকে গোটা ছয়েক পাস্তা তুলে ভোষালের পাতে দিয়ে বললেন,—‘পেট ভরে যা। তোরা, ছেলেরা, খুশি হ’লে আমার নবদাদুর কল্যাণ হবে।’ বলতে বলতে তিনি খট খট করে এগিয়ে গেলেন।

ভোষাল পাস্তাগুলো খেয়ে, জলের গেলাসটি এক নিঃশ্বাসে খালি করে দিলে। তারপর পান নিয়ে সকলের সঙ্গে খিড়কির পুকুরে গেল হাত ধুতে।

পুকুরে হাত ধুতে ধুতে শুনলো, সন্ধ্যায় শশী বাগদীর যাত্রা হ’বে। সকালে তিন গরুর গাড়ি বাস্ক-সিন্দুক ভরা সাজ-পোশাক এসেছে। পাল্লা হ’বে, ‘কংসবধ’। দুপুরেই হ’তো; যাত্রা-পাটির খাওয়া হয় নি, তাই সময় বদলে গেছে।

যাত্রার নাম শুনে ভোষালের বড় আনন্দ হলো। কংসবধ পাল্লাটা ভাল; যুদ্ধ আছে। ‘ম্যাড্‌গিনও’ যেন একটা আছে। সে যুদ্ধের বাজনাটা একবার মনে মনে আউড়ে নিলে,—‘বাজা বাঁই---ধপড় ধপড়---বাজা বাঁই।’

পল্লীগামের ভোজ, বসতে দুপুর গড়ায়, উঠতে সন্ধ্যা। যাত্রার আর কতই বা দেখি? সন্ধ্যা তো লাগলো ব’লে। দিনের অলো নিতে যাচ্ছে; গাছের তলা অন্ধকার হয়ে আসছে। সে পুকুর-পাড় ঘুরে, ধানের গোলার পাশ দিয়ে, বার বাড়ির উঠোনে এসে দাঁড়ালো। আসবার সময় দেখলো, গোয়ালের ওধারে বেশ খানিকটা ফাঁকা জায়গা, তাঁর একপাশ জুড়ে একসার ছেলে-বুড়ো খাচ্ছে। তাঁদের কেউ কেউ উবু হয়ে বসেছে। ওরাই বোধহয় যাত্রার লোক। অনেকে দাঁড়িয়ে তাঁদের খাওয়া দেখছে। স্বয়ং রায়মশাই তদারক করছেন।

কিন্তু ভোষাল বাঁর-বাড়িতে এসে দেখে কোথায় কী? যাত্রাগানের কোন লক্ষণই নেই। কেবল সন্ধ্যার তলায় খানিকটা জায়গা বাঁশ দিয়ে ঘেরা। হয়তো ঐটেই আসর হবে। সে সন্ধ্যার বাইরে

এ-দিক ও-দিক ঘুরে বেড়াতে লাগলো। একবার সাজ-ঘরের দিকে গেল। সেখানে খুব তীড়। কত ছেলে-বুড়ো দাঁড়িয়ে দেখছে, হটগোল করছে। ঐ যে তীর-ধনুক, তলোয়ার, অরেলরুখমৌড়া গদা, টিনের বদ্রম দেখা যাচ্ছে।

সেখান থেকে সরে এসে ভোম্বোল এ-ধার, ও-ধার ঘুরতে ঘুরতে এক জায়গায় দেখলো, কয়েকটা ছেলে কলাপাতার বাঁশি তৈরি করে বাজাচ্ছে—‘ফুক্‌ ফুক্‌ ফুক্‌ ফুক্‌ ফুক্‌—উ—উ—উ—’

হঠাৎ তাদের মধ্যে দুটো ছেলের কলার পাতা নিয়ে ঝগড়া বেধে গেল। প্রথমে জোর কথা কাটাকাটি। তাই থেকে হাতাছাতি শুরু হলো। দু’জনে জড়াজড়ি করে মাটিতে পড়ে গেল। পড়েই গড়াগড়ি দিতে লাগলো। গড়াতে গড়াতে দু’জনেই এ ওর বুকের ওপর উঠে বসবার চেষ্টা করতে লাগলো।

অন্য ছেলেরা তাদের দু’জনকে ছাড়িয়ে দেওয়া দুরের কথা চারধারে দাঁড়িয়ে হাততালি দিচ্ছে! কেউ কেউ আবার বলছে,—‘নারদ—নারদ খাংরাকাটি, লেগে যা নারদ ঝাটাপটি!’

ভোম্বোল ছুটে গিয়ে দু’জনকে ছাড়িয়ে দিলে, আর, অমনি ও-দিক থেকে চোলক বেজে উঠলো,—‘গদা ঘাঁই—ধপড়্—ধপড়্—গদা ঘাঁই—’ সকলে দুড়, দুড় করে সেদিকে ছুটলো। যাত্রা বুঝি শুরু হয়ে গেছে।

ভোম্বোল গিয়ে দেখলো, যাত্রা তখনও আরম্ভ হয়নি, কেবল আঁসর বসেছে। চারধারে গোলমাল, হড়েছাড়া। সকলেই আগে বসতে চায়। ঘেরা জায়গাটার বাইরে ছেলেরা কেউ কেউ বসে গেছে।

একজন ফর্গাগোছের বাবু, গায়ে সিল্কের পাঞ্জাবী, মাথায় লম্বা টেড়ি, মুখে সিগ্‌রেট, আঙুলে আংটি, হাতে ছড়ি, বড়ধের বলছেন,—‘এই, ছেলেনের আগে বসতে দাও।’

ভোম্বোল তাদের মাঝ দিয়ে গিয়ে ছেলেনের সঙ্গে বসলো। তারপর একটু একটু করে এগোতে এগোতে একেবারে বেড়ার ধারে হাজির। যাত্রার বাজিয়েরা তখন হারমোনিয়াম, বেহালা, চোলক, বাঁয়া-তবলা নিয়ে টুং টুং, পৌঁ পৌঁ, ঠক্ ঠক্ করছে। কেউ কেউ তামাক খাচ্ছে,

বিড়ি ফুকছে। বাজিয়েদের তোড়জোড়ের আর শেষ নেই। কখন শুরু হবে রে? বেজায় গরম লাগছে বে!

হঠাৎ কনসার্ট বেজে উঠলো। চোলকের বোলগুলো যেন বুকের মধ্যে গিয়ে যা! মারতে লাগলো—ধুন্ ধাক্, ধুন্ ধাক্, ধপড়্ ধপড়্।

—‘রায়মশাই এসে বসলেন যে!’

ভা’র কথাই ঠিক হ’লো। এবার কনসার্ট আর বেশিক্ষণ বাজলো না। খামতে না খামতেই ভিড়ের মাঝ থেকে গার বেঁধে বেরিয়ে এলো। ‘পুয়াররা’—নারদ, বিষ্ণু, লক্ষ্মী আরও যেন কে—বোধহয় দৌবারিক।

তাদের দেখে গোলমাল আরও বেড়ে উঠলো। অধিকারী শশী বাগুদী বসেছিল বেড়ার মধ্যে ভোষালের সামনে। সে পাশের একজনকে বললে,—‘চিয়ার চেয়ে নাও, বিষ্ণু বসবে!’

লোকটা গুঁড়ি মেরে হাত কয়েক এগিয়ে গেল। তারপর তিন হাত-পায়ে ভর দিয়ে ডান হাতখানা তুলে রায়মশাইয়ের সামনে দু’আঙুলে ভুড়ি দিতে দিতে বললে,—‘কর্তা, চিয়ার—’

অমনি একজন বাজুখাঁই গলায় হেঁকে উঠলো,—‘চেয়ার—এই, একখানা চেয়ার—বিষ্ণু বসবে—’।

অধিকারী বললে,—‘আর লক্ষ্মী কী দাঁড়িয়ে থাকবে, বাবু?’

—‘ওহে, দু’খানা—দু’খানা চেয়ার।’

সকলের মাথার ওপর দিয়ে হাতে হাতে দু’খানা চেয়ার চলে এলো। একখানার বসবার জায়গায় ছিল বেতের ছাউনী। বিষ্ণু ও লক্ষ্মী বসলো। সঙ্গে সঙ্গে নারদ অ্যাকটিং আরম্ভ করলো। কিন্তু চারধারে গোলমালে কিছুই শোনা যায় না। কেবল দেখা যায়—নারদের একখানা হাত ও দাড়ি নড়ছে।

সেই বাজুখাঁই গলাটি চীৎকার করে উঠলো,—‘চুপ্—চুপ্—বড় গোল হচ্ছে—’

অমনি চারধার থেকে চীৎকার আরম্ভ হলো,—‘চুপ্—চুপ্—বড় গোল হচ্ছে—!’

মিনিট দুই বরে ধমকা-ধমকির পর গোলমাল থামলো। তবু নারদের গলা শোনা যায় না, কেবল দাড়ি নড়ে। গলাটা একেবারে বসে গেছে। সে ধরা গলায় বিষ্ণুকে বললে,—‘প্রভো—’

একজন শ্রোতা সেই কোণের দিক থেকে বলে উঠলো,—‘জোরে!’
‘আর একজন এই কোণ থেকে বললে,—‘লাউডার, প্লাজ্!’

তেৱো

যাত্রা

কনসার্ট পুরোদমে বেজেই চলেছে। চোলক-বাজনদার চোলকের ওপর ঝুঁকে পড়ে দু’হাতে চোলক খাড়াতে তাঁর চোখ-মুখের ভাব দেখে মনে হচ্ছে, লোকটা আর বাজাতে পারছে না, হাত দুখানা ভাঙো-ভাঙো। শ্রোতারাও সকলে বিরক্ত হয়ে উঠলো। প্রথমে বেশ চুপচাপ ছিল। কনসার্টের ঠেলায় সকলে হটগোল শুরু করে দিলে। তার ওপর ভাণ্ডা গরম ও বিড়ি-সিগরেটের ধোঁয়ার অস্বস্তি বোধ হচ্ছে। হঠাৎ কনসার্ট খেমে গেল।

চারধারে চাপা গোলমাল। এইবার বোধ হয়, ‘পুয়াররা’ আসবে। ভোষোল ‘পুয়াররা’ আসবার পথের ভিড়ের দিকে তাকায়, যদি রাজার মুকুটের পালখ, কী, তপস্বীর দাড়ি ও জটা দেখা যায়। একটা ছেলে বললে,—‘ঐ যে নারদ আস্থছে!’

ছেলেৱা সেদিকে ষাড় ফিরিয়ে দেখতে লাগলো। একজন জিগেস করলে,—‘কৈ রে?’

—‘ঐ যে শাদা দাড়ি! ‘মাখায় পাকাচুলের চুড়া—’

—‘যাঃ! ও তো নিতাইয়ের পিসে—উদ্ধব হানাদার!’

ছেলেৱা খিল্ খিল্ করে হেসে উঠলো। তারপর ‘এই আসে, এই আসে’ করে প্রায় পাঁচ মিনিট কেটে গেল। আসরের দক্ষিণ দিকে ফরাস ও বেকির ওপর গাঁয়ের ভদ্রলোকেরা বসেছেন। এবার শাদা পাঞ্জাবী গায়ে দিয়ে রায়মশাই এসে তাদের মধ্যে বসলেন। আবার হংকার দিয়ে কনসার্ট বেজে উঠলো। ভোষোলের বাঁ ধারে কয়েকটা ধাড়ি ছেলে বসেছিল। তাদের একজন বললে,—‘এইবার শুরু হ’বে।’

আর একজন জিগেস করলে,—‘কী করে বুঝলি?’

অধিকারী বিরক্তির সঙ্গে নারদকে বললে,—‘বেটাকে বারণ করলেম, দই খাস্ নে। তোর গলা ধরে গেছে। এখন সাঁ—সাঁ করছে—’

লক্ষ্মী বসেছিল বেতের ছাউনি দেওয়া চেয়ারে। সে মিনিট দুই বসেই উশুথুস্ করতে লাগলো। একবার একখানা পা একটু চুলকে ফেললো। ভোম্বোল বুঝলো, লক্ষ্মীকে ছারপোকো কামড়াচ্ছে। তখন নারদ পুরোদমে অ্যাকাটিং করছে। লক্ষ্মীর স্থির হয়ে বসে থাকা দায় হলো। ছারপোকাগুলো কতকাল যে মানুষের রক্ত খায়নি। লক্ষ্মী বিষ্ণুর দিকে হেলে বললে,—‘ছারপোকাকার কামড়ে পা দুখানা কাঁঠালের মতো হয়ে উঠলো যে। আর বনতে পারছি নে।’

বিষ্ণু বললে,—‘উহু হু’—বোসে থাক্।’


ভোম্বোল বসেছিল তাদের কাছেই। দু’জনে ফিস্ ফিস্ করে কথা বললেও তা’র কানে আসছিল সব। লক্ষ্মী বললে,—‘তুই বসে দেখ্ না, ঠেলা কেমন।’

—‘তবে উঠে দাঁড়া।’

বিষ্ণু আর বলতে পারলো না; এবার তার ‘অ্যাকাটিং’। লক্ষ্মী মুখ কঁচুকে কোন রকমে বঁসে রইলো। সে মাঝে মাঝে বিড় বিড় করে কী বলছে। ভোম্বোলের ভারি মজা লাগছে। শেষে তার ‘অ্যাকাটিংয়ের পালা এলো। সে বঁসে বঁসেই দু’চার কথা বলে চট করে চেয়ার ছেড়ে উঠে দাঁড়ালো। তারপর সকলে চলে গেল।

এবার আর এক ‘সিন’। ‘প্রেয়ারদের’ আসা-যাওয়ার পথের দিকে ভোম্বোল তাকিয়ে আছে। হঠাৎ ভীড়ের একধারে ভয়ানক ধাক্কাধাক্কি শুরু হলো। চটাচাই চড়-চাপড় চলছে। ভোম্বোল শুনলো’ হাঁটের লোকেরা ফিরে এসেছে। তাদের মধ্যে আট-দশজন গোরালো আছে। কবার জায়গা নিয়ে বাঁক হাতে ক্ষেপে দাঁড়িয়েছে। কিন্তু রায়শাহীয়ের বাড়ি বলেই রক্ষা। বাবোয়ারিতলা হ’লে এতক্ষণে সামিয়ানার আগুন ধ’রে যেতো। রায়শাহীয়ের লোকজনেরা সকলকে খামিয়ে দিলে।

সব চুপচাপ্, অ্যাকাটিং শুরু হলো। কিছুক্ষণের মধ্যেই প্যালাটা বেশ জমে উঠলো।



একটা 'দিন' এলো—'রাজা কংসের কারাগার'। দেবকী ও বহুদেব বন্দী হয়ে পড়ে আছেন। তাঁদের বুক কালো মস্ত মস্ত দুখানা কালো পাখর চাপানো! তাঁরা শুয়ে ওয়েই অ্যাকটিং করছেন। গলা শোনা যাচ্ছে, কিন্তু তাঁদের দেখা যাচ্ছে না। দু'জনকে দেখবার জন্যে ভোষোল ও আরও অনেকে হাঁটু গেড়ে বসে সারসের মতো গলা লম্বা করে দিলে। অমনি পিছনে বরা বসেছিল, তারা চীৎকার করে উঠলো,— 'বোসে পড়ে—বোসে পড়ে—ও!' কিন্তু কে কা'র কথা শোনে? ঐ যে দেবকী আর বহুদেব শুয়ে। তাঁদের বুক কালো পাখর। ভাগ্যে ও দুটো সত্যিকারের পাখর নয়, বেহালার বাক্স। দেবকী আর বহুদেবের যা চোহারা। সত্যিকারের পাখর হ'লে, দুটিতে এতক্ষেণে চিড়ের মতো চেপ্টে পড়ে থাকতেন। কংসের ওপর ভোষোলের খুব রাগ হলো। কী শয়তান! কত ছেলেকে মেরে ফেলেছিল!

অধিকারী তামাক টানতে টানতে পাশের লোকটার পাঁজরে খোঁচা দিয়ে বললে,—'ও গণেশ, জুড়ী তোল—'

গণেশের ইগারায় হঠাৎ বেজে উঠলো, 'কমসারট'; আর চারখার থেকে উকিন-মোকতারের মতো চোগা-চাপকান পরা জুড়ীর দল সরু-মোটা স্বরে গলা ছেড়ে গাইতে গাইতে উঠে দাঁড়ালো। তাদের পিছু পিছু উঠলো একপাল কালো কালো, রোগা রোগা ছোঁড়া। ছোঁড়াগুলোর মাথায় কালো পাখরের ধোরার মতো জরিদার টুপি, গায়ে সলমা-চুমকি বনানো, লাল-কালো স্যাটিনের টিলে জামা। জামাগুলোর হাতা লম্বা, আঙুল ছাড়িয়ে ঝুলে পড়েছে। ছোঁড়াগুলো লম্বা হাতা ঝুলিয়ে গাইতে লাগলো—'ওরে রাজা কংস,

হরি রে নির্বংশ।

তো'র যে কৃতান্ত,

জন্মিল ধরায়—এ—এ—এ—।

গায়কদলের মাঝে চোগা-চাপকান-পরা দু'জন বেহালাদার—লম্বা, রোগা, একমুখ গৌফ, যেন দুই পেশকার দাঁড়িয়ে বেহালার ওপর ঝাড় কা'ব করে চোখ বুজে ছড় টানছে। বেহালা বাজছে—'কঁয়া-কৌ, কৌ-কৌ, কংক; কৌ-কৌ, কৌ-কৌ—কংক—হু'—'

হঠাৎ বাইরে থেকে কে যেন বাজঝাঁই গলায় চীৎকার করে উঠলো—
‘ঝড় আসছে—ঝড় আসছে—সামান-সামান—!’

সঙ্গে সঙ্গে প্রকাণ্ড সামিয়ানাখানা খুবজ্ব বাতিগুলো সমস্ত দড়ি-টানা ছিঁড়ে আকাশে উড়ে যাবার মতো হলো। আক্কেলগুলোর শিখা চিমনির মধ্যে প্রচুর ডুম্বো ছেড়ে নেচে উঠলো। আকাশের বুক চিরে বিদ্যুৎ চনকালো; মেঘ ডাকলো, কড় কড়, কড়াৎ, যেন আকাশের দরজা খুলে ফেললো।

ঐ এলো—ঐ এলো। ঠাণ্ডা বাতাসের একটা দমকা এসে গায়ে লাগলো। সেই ভাণ্ডা গরমে ভোম্বোলের ভারি আরাম বোধ হলো।

দেখতে দেখতে যাত্রার আসর ফাঁকা। সামিয়ানা হুম্ হুম্ শব্দে লাফাচ্ছে, আলোগুলো গেছে নিভে। নামলো বৃষ্টি। ভোম্বোল ততক্ষণে রায়মশাইয়ের কাছারি-ঘরের বারান্দায় উঠে পড়ছে।

রাতে সে ফরাসের একধারে একটু শোবার ছায়গা পেল। ঘুমও হলো বেশ।

চৌদ্দ

পদ্মাদিদির শুমুরবাড়ি

পরদিন—

তখন ঘরের চালে কাক ডাকছে, অনেক ফরাসের ওপর উঠে বসেছে। কেউ কেউ শুয়ে শুয়েই হাই তুলতে তুলতে মুখে তুড়ি দিচ্ছে। ভোম্বোল উঠে ঝললো।

ঘর থেকে বাইরে বেরিয়ে দেখে, সব পরিষ্কার, কিন্তু ভিজ ভিজ। সারা আকাশে কোদাল কোদাল মেঘ, যেন মাটি ফেলা। সে বেরিয়ে পড়লো।

আগের দিন যে পথে এসেছিল আজও সে পথ ধরে ফিরে চললো। গাঁয়ের শেষে পৌঁছেই এক চাষীর সঙ্গে তার দেখা। ভোম্বোল তাকে জিজ্ঞেস করলে:—‘এ পথ দিয়ে রেল-রাস্তায় যাওয়া যাবে?’

চাষী বললে,—‘রেলগাড়ি? ঐদিকে রেলের গাড়ি কোথায়?’
—‘তবে কোথায়?’

—‘সেই শালুকডাঙা। ঐদিকে রেল-টেল চলল না।’

—‘তবে কাল আমায় যে একজন বললে, ঐদিকে রেল-রাস্তা আছে!’

—‘ঐদিকে? হ্যাঁ—হ্যাঁ। তা’ সে কান্তিনগরের ওধার দিয়ে। তুমি যাবে কোথা?’

—‘রেলরাস্তা—’

—‘সেখানে কী আছে? সেই রেলের গাড়িতে চাপবো নাকি?’
ভোম্বোল বললে,—‘হ্যাঁ’

—‘সিঁদিক দিয়ে তো কেবল মালের গাড়ি চলে। তুমি মালের গাড়ি চাপবা?’ তারপর বললে,—‘হৌড়াটা কমা।’

ভোম্বোল চুপ ক'রে রইলো।

লোকটা বললে,—‘কার ছাওয়াল তুই? রামশাইয়ের বাড়ি
এয়েছিলি বুঝি? যা, ধরে যা। কুটুমবাড়ি এয়েও কল্লানী? যা—’

ভোম্বোল দেখলো গতিক ভাল নয়। না*গেলে হরতো চাখার
মার খেতে হবে। সে গাঁয়ে ফিরে গেল। তারপর গাঁয়ের ও-ধারে
গিয়ে দেখে, একটা পাকা গড়ক দক্ষিণ-পশ্চিমমুখে চ'লে গেছে, যেন
একটি উঁচু বাঁধ। ওর সেই শেষে একখানা গাঁ দেখা যায়, মীল খোঁজার
মতো। ওরই নাম বোধহয় কান্তিনগর। গড়ক ধরে তখন সার বেঁধে
খান চারেক গরুর গাড়ি চলেছিল। গাড়িগুলো পাট বোঝাই।

একখানা গাড়ির গাঁঠের ওপর জন দুই লোক বসে আছে। তাদের
একজন কানে হাত দিয়ে গলা ছেড়ে গান ধরেছে—‘সু—উখের কথা—
আ—আ—র বোলো—না—আ—আ—’!

ভোম্বোল গাড়িগুলোর পিছন পিছন চললো। সেও যদি একখানা
গাড়ির গাঁঠের মাথায় চ'ড়ে বসতে পারতো! কিন্তু গাড়িগুলো আধ-
ক্রোশটাক পথ ভেঙেই পূবের গড়ক ধরলো। ওদিকে কোন্ গাঁ কে জানে!

ভোম্বোল সেই আগের গড়ক ধ'রে চলতে লাগলো। ক্রোশদেড়েক
পরই আবার এক খাল। খালটা গভীর ও কিছু চওড়া। তার ও-পারে
গাঁ, বেশি দূর নয়।

খালের কোলে কোলে কাশ কুল ফুটেছে, বাতাসে মূয়ে পড়ছে।
তারপর বিশাল ধানক্ষেত। তিনটে মোষ-খালের জলে গা ডুবিয়ে কেবল
মাথা বা'র ক'রে চোখ বুজ্বে যেন মহা আঁরামে নিঃশ্বাস ছাড়ছে—কোঁস—
কোঁস। তার এধারে রাখাল ছেলেরা হৈ চৈ করতে করতে স্নান করছে,
সাঁতার কাটছে। কেউ কেউ পরণের কাপড়খানা খুলে তাই দিয়ে
মাছ ধরছে। আর একটু এধারে বাঁশের সাঁকো। সাঁকোর নিচে জল
কম। চাষী-বউরা জলে গা ডুবিয়ে বসে গা রগড়াচ্ছে, কেউ কেউ
চোঁস বুজ্বে নোড়া দিয়ে মাথা ঘষছে। কেউ বা একরাশ ছেঁড়া, ময়লা
কাপড় নিয়ে কূলে বসে কাটছে, আর উঁচু গলায় ঘর-সংসারের গর করছে।
সাঁকোর বাঁশের মাথায় একটা মাছরাঙা পাখি ব'সে আছে। তার
কোনদিকে চোখ নেই; উদ্যানক পতীর! বোধহয় মনে মনে একটা কান্তিন

প্রশ্নের উত্তর ঠিক করছে। হঠাৎ সে সোজা ঝপ্ ক'রে খালের জলে
ধুঁড়েই একটা ছোট মাছকে ঠোঁটে চেপে ধরে আবার উড়ে এসে বাঁশের
মাথায় বসলো। তারপর মাছটাকে গিলে ফেলে আগের মতোই চিন্তিত
হয়ে জলের দিকে তাকিয়ে রইলো।

ভোম্বোল সাঁকোর উঠে মাঝখানে গিয়ে দাঁড়ালো। লম্বা খাল—
পূব-পশ্চিমে বেকে গেছে। জলে স্রোত আছে। দু'ধারে ক্ষেত।
একজায়গায় বেশ বড় গোছের একটা দোয়ড় পাঁতা। তার বেড়া
ঠেলে কুল কুল ক'রে জল বেরিয়ে আসছে। ঐ খরা জাল দেখা যায়।
জালখানা উঠলো;—ওর গায়ে কতকগুলো ছোট ছোট মাছ ধড়ফড়
করছে, যেন রূপোর টুকুরো। মাছগুলো বোধহয়, খয়রা।

গাঁয়ের দিক থেকে একটা লোক ছুঁতে ছুঁতে আসছেন। তার
ছোটার তালে তালে শব্দ হচ্ছে—ঝুমুর-ঝুমুর, ঝুমুর-ঝুমুর। কাছাকাছি
এলে ভোম্বোল দেখলো, লোকটা ‘রাধার’। পিঠে তার ডাকের খলি,
কোমরে চাপরাশ, চাপরাশের মাঝখানে পেতলের তক্তিতে বড় বড়
ইংরেজি অঙ্করে কী লেখা, হাতে সে ধরে আছে ভৌতা বল্লম।
বল্লমের পিছনে ডাকের খলি গলায় একজোড়া ঘুটি বাঁধা।
'গভরণমেনটের' ডাক যাচ্ছে। ওকে পথ ছেড়ে দিতেই হবে। ওরা
নারিক গণ্ডারের মতো সোজা চলে। পথ না ছাড়লে পেটে সোজা বল্লম
চালিয়ে দেয়। ভোম্বোল ভাড়াভাড়ি সাঁকো পার হ'য়ে নেনে দাঁড়ালো।

লোকটা একেবারে কাছে আসতেই তার সঙ্গে ভোম্বোলের কথা
বলতে ইচ্ছে হ'লো। ভোম্বোল দেখাতে চায়, সে ‘রাধারদের’ বিষয়
সব জানে; তাদের দেখে একটুও ভয় পায় না। সে ‘রাধারকে’ জিগোস
করলে,—‘এ গাঁয়ের নাম কী গো?’ ‘কান্তিনগর?’

লোকটির বুকের ছাতিখানা বেশ চওড়া। সারা গা ঘামে ভিজে।
সে বুকখানা আর একটু চিত্তিয়ে সাঁকোর উঠতে উঠতে গভীর মুখে
বললে,—‘চিত্বেঝুড়ি।’

—‘চিত্বেঝুড়ি? সে কী! তবে কান্তিনগর কদুর? কান্তিনগর
কোথায়?’

লোকটি তখন এগিয়ে গেছে। তবু জবাব দিলে,—‘ইয়ের পর।’
 বলেই তবু তবু ক’রে সীকো পার হ’তে লাগলো। ওপারে গিয়ে
 সড়ক ধ’রে আবার ছুট দিলে—ঝুমুর-ঝুমুর, ঝুমুর-ঝুমুর। শব্দটা ধানক্ষেতে
 ছাড়িয়ে ক্রমে মিলিয়ে গেল। ভোম্বোল গাঁয়ে ঢুকতে ঢুকতে একবার
 পিছন ফিরে দেখলো। লোকটি সড়ক ধ’রে ঔ—নে—ক দূরে চলে
 গেছে। আর তা’কে দেখা যায় না!

গাঁয়ে চোকবার মুখেই আমতলায় এক গৃহস্থ-বাড়ি। তা’র বা’র
 দিককার ঘরের ছেঁচ থেকে একখানা পুরনো সাইনবোর্ড ঝুলছে। তাতে
 বাঙলায় লেখা—‘চিটেঝুড়ি পোষ্ট অফিস।’ না—লোকটি ঠিকই বলেছে।
 হঠাৎ ভোম্বোলের মনে হলো, নামটা যেন চেনা। কিন্তু চিটেঝুড়ি কী?
 ভোম্বোল ঠিক মনে করতে পারছে না। তবু মনে হচ্ছে নামটা সে
 শুনেছে। রোদে হেঁটে এসে তা’র গলা শুকিয়ে গেছে। কোথাও
 যদি এক গেলাস ঠাণ্ডা জল—

ভোম্বোল পোস্ট অফিসের উঁচু পাকা বারান্দায় উঠে ছোট জানলাটার
 ভেতর উঁকি দিয়ে দেখলো। ঘরে কেউ নেই। খাতাপত্র, ময়দার
 কাই ও তামাকের গন্ধ একসঙ্গে মিশে জানলা দিয়ে এসে ভক্ ক’রে
 তা’র নাকে লাগলো। সেখান থেকে সরে এসে একটু এদিক-ওদিক
 ক’রে পথে নেমে আবার এগিয়ে চললো। ধান পাঁচ-ছয় বাড়ি ছাড়িয়েই
 দেখলো বাঁ ধারে একটা পুকুরের এক কোণ। পুকুরটা একখানা বাড়ির
 পিছন দিকে। রাস্তা থেকে একটা সরু পায়ে-চলা পথ গেছে সেদিকে।
 পথটা বোধহয় পাড়ার বউ-ঝিদের পায়ে পায়ে তৈরী হয়েছে। ভোম্বোল
 জল খাবার জন্যে সে পথে পুকুরের দিকে চললো।

ঝোপ-জঙ্গল ও কচুবনের মাঝ দিয়ে পুকুর-ধারে গিয়ে দেখে,
 ডানদিকে পরিষ্কার বাঁধানো ঘাট। পুকুরের চারধারে নারকোল গাছ।
 একটা বউ তখন ঘাটের পৈঠা দিয়ে নিচে নামছে। ভোম্বোল গিয়ে
 ঘাটের ওপর দাঁড়ালো।

বউটির মাথায় ঘোমটা; পরণে টক-টকে লাল পাড় শাড়ি, কাঁধে
 একখানা লাল রঙের গামছা। জলে নামবার আগে মাথার ঘোমটা বুলে
 সে একবার পিছনে ঘাটের ওপর তাকাতাই ভোম্বোল চমকে উঠলো—



পদ্মাদিদি! বউটিও অর্থাৎ! ভাগর চোখ দুটো রূপালে তুলে বললে,—
'ভোম্বোল? তুই এই বেশে এখানে?'

পদ্মাদিদি নিধু চক্রবর্তী মশাইয়ের বড় মেয়ে; তা'র রাণীদিদির
বন্ধু। দুটিতে ভারী, ভাব। চিটেমুড়ি গাঁয়ে পদ্মাদিদির শুল্করবাড়ি।
এতক্ষণে ভোম্বোল গাঁথানা চিনতে পারলো। বললে,—'আমি চলে
যাচ্ছি।'

'কোথায় যাচ্ছিস?' বলতে বলতে পদ্ম পৈঠা বেয়ে তাড়াতাড়ি
ওপরে উঠে এলো। তারপর বললে,—'গায়ে জামা নেই, পরণে ময়লা
কাপড়, খালি পা, মাথার চুল রুম্বু। একী চেহারা? এই বেশে কোথায়
যাওয়া হচ্ছে? বাড়ি থেকে পালিয়েছিস বুঝি?'

ভোম্বোল চুপ করে রইলো। পদ্মাদিদি তার হাত চেপে ধ'রে
বললে,—'চল, ভেতরে চল।'

ভোম্বোল তেমনি কাঠ হয়ে দাঁড়িয়ে রইলো।

পদ্মাদিদি বললে,—'লক্ষ্মী ভাইটি। চল ভেতরে—

ভোম্বোলের চোখ দুটো ছল ছল ক'রে উঠলো। সে কান্নাটা
গিলে ফেলে বললে,—'আমি কিন্তু আর বাড়ি ফিরে যাবো না।'

—'কোথায় যাবি?'

—'টাটানগর।'

—'টাটানগর? সেখানে কী—বেশ, তাই-ই যাস। আজকের
দিনটা দিদির বাড়ি থেকে যা—' বলে পদ্মাদিদি ভোম্বোলকে টেনে নিয়ে
চললো। ভোম্বোল চলতে লাগলো খুব অনিচ্ছায়।

ভেতরের উঠোনে গিয়ে দাঁড়াতেই ওয়ার থেকে কে এক বুড়ী
জিগেস করলেন,—'ও বউমা, কাকে টানতে টানতে আনছো?'

পদ্মাদিদি উত্তর দিল,—'হারানকাকাকে জানেন তো?'

—'তা আর জানবো না?'

—'এ তাঁর বড় ভাইয়ের ছেলে।'

—'ও! সেই রাণীর ভাই?'

—‘হাঁ।’

—‘তা’, অমন কেনো—’

পদ্মাদিদি ভোম্বোলের হাত ছেড়ে দিয়ে একটু এগিয়ে গিয়ে চোখ টিপলো। ভোম্বোল বুঝতে পারলো, উনি পদ্মাদিদির শাঙড়ী। বুড়ী পদ্মাদিদির মুখের দিকে তাকিয়েই বেন অন্যমানুষ হয়ে গেলেন। বললেন,—‘তা’ বেশ—‘তা’ বেশ। ভাত তো হয়ে গেছে। পুকুরে ডুব দিয়ে এসেছে দুটো খেয়ে নিক্—বলে বুড়ী একখানা ছোট খড়ের ঘরের বারান্দায় উঠে ভেতরে ঢুক গেলেন। ওখানা বোধহয় হবিষ্যির ঘর।

ভোম্বোল নেয়ে এসে কাপড় বদলে পেটতরে খেলো। দুপুরে মাদুর পেতে পা ছড়িয়ে বসে, রোদে ঢুল এলিয়ে পদ্মাদিদি ভোম্বোলের কাছ থেকে চক্রবর্তীবাড়ির অনেক খবর নিতে লাগলো; তারপর এক সময়ে জিগোস করলে,—‘তুই কী ক’রে টাটানগর যাবি?’

—‘হেঁটে।’

—‘পারবি?’

—‘হঁ।’

—‘খুব বাহাদুর তো!’ বলে দিদি মুখখানা অন্যদিকে ফেরালো। ভোম্বোলের মনে হলো পদ্মাদিদির শাদা কান দুটো রাঙা হয়ে গেছে, দিদি খিল্ খিল্ ক’রে হাসছে। কিন্তু তা’র দিকে আবার মুখ ফেরাতেই দেখলো, তাতে হাসির কোন চিহ্ন নেই, সহজ মানুষ।

বিকলে ভোম্বোল বললে,—‘আমি আজই চলে যাবো।’

—‘এই রাতে? পরশু পূজো। পূজোর ক’টা দিন থেকে যা—

—‘তবে কাল সকালেই যাস্।’

পদ্মাদিদির বর বাড়ি ছিলেন না; সন্ধ্যায় ফিরলেন। ভোম্বোল সেই বিয়ের সময় তাঁকে দেখেছে। তখন ছিলেন বোগা, এখন মোটা-মোটা পালোয়ান গোছের চেহারা হয়েছে।

ভোম্বোলের পরিচয় পেয়ে ও. পথচারার বুজান্ত শুনে বললেন,—‘বটে। বাড়িতে স্নিবেশ হ’লো না, টাটানগরের পথে বেরিয়ে পড়েছো?’

—‘হঁ।’

—‘আচ্ছা, তা’র আর ভাবনা কী? আমিও কাল কোলকাতার পথ ধরবো। তোমাকে কিছুদূর এগিয়ে দেবো।’ লোকটির চোখ দুটো বেন হাসছে। চাউনিটা ভোম্বোলের ভাল লাগলো না; কথাগুলোও কাঠ কাঠ।

রাতে তিনি ভোম্বোলকে পাশে নিয়ে খেতে বসলেন। খেতে খেতে বললেন,—‘মাছখানা খেয়ে ফেল। টাটানগরের ঝাটুনি বড় কঠিন; গায়ে জোরের দরকার।’

পদ্মাদিদিও ঘোমটার ভেতর থেকে একটু চাপা গলায় বললে,—‘এই খা।’

শাঙড়ী তখন বারান্দায় বসে মালা জপছেন।

ভোম্বোলের লজ্জা করতে লাগলো। সে কিছু কমই খেলো।

রাতে তা’র শোবার জায়গা হলো, পদ্মাদিদির শাঙড়ীর ঘরে। তা’র বিছানা হলো একটা প্রকাণ্ড কাঠের সিদ্দুকের ওপর। সিদ্দুকটা লোকালের—একখানা চৌকি বললেই চলে। কিন্তু শুয়ে কিছুতেই তা’র চোখে ঘুম এলো না। কেবলই পদ্মাদিদির বরের চোখ দুটো ও কথাবার্তা মনে পড়তে লাগলো। ভোরের দিকে মনে এলে মেলো ছবির সঙ্গে একটু ঘুম এলো বটে, কিন্তু বুড়ীর কাশির শব্দে ঘুম ছুটে গেল।

শুনতে পেল বাইরে কোথায় কাক ডাকছে। সে তাড়াতাড়ি বিছানা থেকে নেমে খুব সন্তর্পণে দরজার খিল খুললো। তখন খুঁ ক’রে শব্দ হলো। বুড়ীর ঘুম ভারী পাতলা। বুড়ী অমানি জিগোস করলে,—‘কে?’

—‘আমি।’

—‘বাইরে যাবে?’

—‘হঁ’ বলে ভোম্বোল উঠোনে নামলো। তখনও আবছা অন্ধকার আছে। তারপর তাড়াতাড়ি বাড়ি থেকে বেরিন্বে সে রাস্তায় গিয়ে উঠলো।

পনেরো

কাস্তিনগরে

বেশ বেলা উঠেছে। ভোম্বোল জোরে হাঁটছে। এক একবার পিছন ফিরে দেখছে, পদ্মদিদির বর ধাওয়া করেছেন কিনা।—না, কেউ নেই।

কিন্তু গিয়ে আবার পিছন ফিরে দেখলো। ঐ বে দূরে একখানা বাইসিক্ল আছে না? পদ্মদিদির বরেরও তো বাইসিক্ল দেখেছে। তিনি আসছেন কী?

ভোম্বোলের মুক্ চিপ্ চিপ্ করতে লাগলো। কিন্তু লুকোবে কোথায়? দুধারে ক্ষেত। তার ধানগুলো কাটা হয়ে গেছে। পাটও নেই। কেবল ক্ষেতের ওপর ধান ও পাটের কাটা গোড়াগুলো একটু একটু বোরিয়ে আছে। খান কয়েক আঁখণ্ডে দেখা যাচ্ছে বটে, কিন্তু ক্ষেতগুলো তার কাছ থেকে এত দূরে যে, সেখানে পৌঁছতে না-পৌঁছতেই বাইসিক্ল এসে পড়বে।

পথের ধারের একটা খেঁজুর গাছ রয়েছে। তার গের্ণ্ডায় চারধারে তাঁট, কালকাস্তিন, চারা শেওড়া ও কচুর ঘন ঝোঁপ। ভোম্বোল তাড়াত ডি ঝোঁপে ঢুকে পড়লো। ঝোঁপটা তার গায়ের ধাক্কায় দুলাছে। ভোম্বোল দু’চারটে গাছকে দু’হাতে চেপে ধরে ধামিয়ে দিলেও তারা অব্যাহার মতো মাথা নাড়তে লাগলো।

তারপর, বোধহয়, মাত্র মিনিট তিনেক কাটলো। কিন্তু ভোম্বোলের মনে হলো সময়টা অনেকক্ষণ। তবুও বাইসিক্ল আসে না। এদিকে গা বেয়ে কাঠ-পিপড়ে উঠছে, কাঁধে একটা স্তায়োপোকা পড়লো, একটা বুনো মাকড়শা তার সামনে তাড়াতাড়ি জাল বোনা শুরু করে দিলে। পিঠে মশা কামড়াচ্ছে, পায়ের নিচে কেঁচো শুড়ুড়ি দিচ্ছে। আর তো বসায় যায় না।

হঠাৎ খটাং পৌঁ পৌঁ শব্দ কানে এলো। তারপরই একখানা বাইসিকল সাঁ করে চলে গেল। যে চালাচ্ছিল ভোখোল তাকে দেখতে পেল না, চিনতেও পারলো না। তবু সে কষ্ট সয়ে ঝোঁপে লুকিয়ে রইলো। মিনিট কতক কেটে গেলে বেরিয়ে এলো। সাইকল যদিকে যাচ্ছে, সেদিকে তাকিয়ে চেনবার চেষ্টা করলো, লোকটা কে? পথটা গেছে বা দিকে বেকে। দুবার বড় বড় গাছ। মোটা মোটা গুঁড়ির আড়ালে চলন্ত গাড়ির ওপর মানুষটিকে চেনা সহজ নয়। পন্থাদিদির বর কী?

ভোখোল আঙু আঙু এগোতে লাগলো।

সামনে গাঁ। গাঁয়ে পৌঁছতে পৌঁছতেই বেরা গেল। এই গাঁয়ের নামই বোধহয় কাছিনগর। মাঝে মাঝে চাকের আওয়াজ কানে আসছে। এ গাঁয়েও পুজো হয়? বাড়ির জন্যে তার মন কেমন করে উঠলো। সে যদি এ সময়ে বাড়িতে থাকতো! তার ওপর সারাদিন পথ চলছে; ক্ষিদের আঙুনে পেট জানা করছে। তবু সয়ে গেল। না—না, আর বাড়ি নয়। যত দূরেই হোক, একেবারে সেই টাটানগর।

গাঁয়ে ঢুকে দেখে, ছেলে-মেয়েরা নানা রঙের নতুন পোশাক পরে বোধহয় ঠাকুর দেখতে চলেছে। ঐদিকে বোধহয় পুজো-ফুল, ভোখোল তাদের পিছন পিছন চললো।

ছেলে-মেয়েগুলোর সাজের কী বাহার! ঐদিকে গায়ের রং ষোর কালো, মাথার তেল কপাল ও রগ দিয়ে গড়িয়ে পড়েছে। তার ওপরই মিসে কাটা। দু'একজনের চুল আবার সজারক কাঁটার মতো খাড়া। ছেলেগুলোর গায়ে লাল, হলদে, বেগুনী রঙের সাল্টিনের কোট বা ছিটের কামিজ। কোট আর কামিজের হাতাগুলো বড়, বুতির কোঁচা পেটের ওপর পোঁটলার মতো ঠেলে উঠেছে। সকলেরই পামে বাদামী রংয়ের গোড়-তোলা ফিতেরীধা জুতো। কারুর জুতো পায়ের চেয়ে বড়। খুলে যাবার ভয়ে সে পা ষষটাতে ষষটাতে চলেছে। কারুর জুতো ছোট। সে গোড়ালিতে কাগজ গুঁজে ষুড়িয়ে হাঁটিছে। মাঝে মাঝে ষষণার মুখ বেকিরে হাসছে; সঙ্গীদের দেখেছে, জুতো জোড়া ঠিকই হয়েছে—পায়ে লাগছে না। কেউ আবার উল্টো করে জুতো পরেছে।



মেয়েগুলোর নাকে নোলক, কানে মাকড়ি, গায়ে লাল, নীল, হলদে বাগরা ; খালি পা। তারা তেল-জ্বজ্ববে চুলগুলোয় অ্যালবার্ট কেটে, কেউ বেণী ঝুলিয়েছে, কেউ খোঁপা বেঁধেছে। কোন কোন মেয়ের পরণে রাঙা ডুরে—চারধারে ষাগরার মতো ফুলে আছে। সকলের মুখে হাসি। ভোম্বোলেরও নতুন জামা-কাপড় পরতে ইচ্ছে হলো। বাড়ি থাকলে সেও আজ সাজ-গোছ করে ঠাকুর দেখতে যেতো।

সামনেই একখানা আম-কাঁঠালের বাগান। গাছগুলোর গুঁড়ির ফাঁক দিয়ে একটা মস্ত চণ্ডীমণ্ডপ যেন দেখা যাচ্ছে। তাঁর সামনে লোকজন চলা-ফেরা করছে। বাগানের বাইরে দিয়ে পথ। তবুও বাগানের ভেতর দিয়ে কয়েকটা ছেলে-মেয়ে চললো চণ্ডীমণ্ডপের দিকে। ভোম্বোল চললো পথ দিয়ে। যেতে যেতে দেখলো, একখানা বাড়ির বাইরের দিকে একটা তিন-চার বছরের পেট মোটা মেয়ে দাঁড়িয়ে। তার মাথায় বাঁকড়া চুল, বগলে একখানা ডুরে। মেয়েটা কী যেন হাতের মুঠো থেকে চেটে চেটে পাচ্ছে। মনে হচ্ছে বাতাস। ঐ যে কল্পি থেকে কনুই অবধি রস গড়াচ্ছে। মেয়েটার সামনে হাত দুই তফাতে একটা শাদা-কালো রঙের কুকুর তার মুখের দিকে হ্যাংলার মতো তাকিয়ে জিভ বার করে দাঁড়িয়ে মাঝে মাঝে মুখ চাটছে আর লেজ নাড়ছে।

ভোম্বোল কুকুরটাকে তড়া দিলে। তা'তে কুকুরটা লেজ নামালো মাত্র। কিন্তু মেয়েটা বাড়ির ভেতর দিলে ছুই। ছুটতে ছুটতে তাঁর বগলের ডুরেখানার একটা আঁচল খুলে গিয়ে ধুলোয় লুটোতে লাগলো। ভোম্বোলের ভান্নি মজা বোধ হলো।

ভোম্বোল চণ্ডীমণ্ডপের সামনে গিয়ে দেখলো, অনেক লোক জড় হয়েছে। প্রতিমা সিংহাসনে উঠেছে। সে মনে মনে ঠিক করলো রাতখানা সেখানে কাটাৰে। কিন্তু এখন যা ফিধে! সে চাকীদের পাশে গিয়ে দাঁড়ালো। সেই সময় কর্মকর্তার ডুলে আর তাঁর বরাতগুণে এক কোঁচড় মুড়ি-নারকোল জুটে গেল। সেই সঙ্গে পেয়ে গেল খান আঠেক বাতাস। কর্তা বোধহয় ভাবলেন, ভোম্বোল বৃষ্টি বাজনদারদের লোক—কাঁসি বাজায়। তা'দের মুড়ি-নারকোল দিতে দিতে ভোম্বোলকেও বললেন,—‘কোঁচড় পাত্, ছোঁড়া।’

ভোম্বোলও কৌঁচড় পাততেই তিনি তাতে মুড়মুড় করে
মুড়ি-নারকোল ঢেলে দিলেন।

মুড়িগুলো আউশের, বেশ টাইকা। দেখতে বেঁটে বেঁটে গায়ে
লাল ছিলে, ধেতে মিষ্ট ও মুচমুচে। ভোম্বোল চণ্ডীমণ্ডপের একধারে
দাঁড়িয়ে মুড়ি-নারকোল চিবুতে লাগলো।

ষোলো

চরমাদারিপুরের বারোয়ারি তলায়

সে গাঁয়েই তার রাতখানা কেটে গেল।

শরতের সকাল। সোনালি রোদে চণ্ডীমণ্ডপের সারা আঙিনা
মাখিয়ে গেছে। তার এককোণে শিশির ভেজা শিউলীতলার পাশে
চেনা সুরে সানাই বাজছিল—‘গা তোল, গা তোল, বাঁধো মা কুন্তল—’

ছেলেরা নতুন পোশাক পরে বাজনদারদের ঘিরে দাঁড়িয়েছে।
ভোম্বোলও তাঁদের মাঝে গিয়ে দাঁড়িয়েছে। এ জায়গাটি ছেড়ে তার
কোথাও যেতে মন চাইছে না।

সে মনে মনে ঠিক করলো, পূজা শেষ হয়ে গেলে আবার টাটা-
নগরের পথ ধরবে। এই তো রাত্তা। এ ক’টা দিন এখানেই
কাটাবে।

দুপুরে সে একমুঠো ভাত খেতে পেলো। আঁচিয়ে কাপড়ে
হাত-মুখ মুছতে মুছতে চণ্ডীমণ্ডপের ধারে এসে দেখে, ওধারে পদ্মাদিদির
বর দাঁড়িয়ে। তাঁর পিছনে ভকুমা আঁটা এক পিয়াদা। তিনি কর্মকর্তার
সঙ্গে কী বিষয়ে যেন কথা কইছেন। ভোম্বোলের মনে হলো তাঁরই
কথা। সে চাই করে চণ্ডীমণ্ডপের পিছনে সরে গেল।

তারপর এক গৃহস্থবাড়ির কলাবাগানের বেড়া ভিত্তিয়ে বাগানের
মাঝে প’ড়ে—এক ছুটে বাগান পার হয়ে গেল। সামনে গোয়াল।
তারপর একখানা খড়ের ঢালা। তাঁর পিছনে ধানের গোলা। ভোম্বোল
এসবও পার হলো। ঐ যে রাত্তা, রাত্তায় উঠে সে দিলে ছুই।

ছুইতে ছুইতে গাঁয়ের বাইরে গিয়ে পিছন ফিরে দেখলো, কেউ
আসছে কিনা। যার আঙ্গুল, তার সব অচেনা। ভোম্বোলকে
ছুটতে দেখে অবাক!

এদিককার পথটা ভাল নয়—কাঁচা-পাকা। গরুরগাড়ি চলাচলে দু'পাশে খাল, মাঝে উঁচু হয়ে গেছে। মাঝে মাঝে জুলি—এক্ষেতে ওক্ষেতে জন যাবার জন্যে চাষীরা বোধহয় কেটেছে। এখন সব শুকনো। কেবল রাস্তার নিচে দু'পাশে মাটিকাটা খালে জল। তাতে কলমী-হিষ্ণের বন, দু-চারটি শালুকও আছে। কুলবরাবর শান্তি-স্তম্ভনি ও ধানকুনী বিছিয়ে আছে। এখানে-ওখানে বক বসে। জলে পানকোড়ি ডুব-গাঁতার কাটছে। খালের পাড়ে একটা বেলগাছের মাথায় একটা নীলকণ্ঠ পাখি উড়ে এসে বনুলো। ভোঝোল হাতজোড় ক'রে পাখিটাকে নমস্কার করতে করতে মনে মনে বললে,—‘মনে ধরা না পড়ি’ পাখিটা কিন্তু হঠাৎ ক্যারব্ ক'রে ডেকে উঠেই উড়ে গেল।

তা'তে ভোঝোলের ভয় হলো। সে পিছন ফিরে দেখলো, পদ্ম-দিদির বর আসছেন কিনা। তা'কেই ধরবার জন্যে তিনি বোধহয় ঘুরে বেড়াচ্ছেন। আর ভোঝোলকে ধরছেন! তা'র খোঁজ পাবেন সেই টাটানগরের লোহার কারখানায়।

এর পরই তো রেললাইন। কিন্তু সামনে একখানা গাঁ দেখা যাচ্ছে না? হাওড় কোথায়? চারধারে তাকিয়ে দেখলো। হাওড় তো ঘরের কথা একটা পুকুরও দেখা যাচ্ছে না। কেবল ক্ষেতগুলো ছড়িয়ে আছে। ওগুলোর শেষে ঐ গাঁ। বোধহয় ঐ গাঁয়েরই ওধারে হাওড়; তা'রপর রেললাইন।

এদিকে বেলা পড়ে এলো। পশ্চিম দিকটায় আকাশকোলে সোনা ছড়িয়ে যাচ্ছে। ক্ষেতের মধ্য দিয়ে একপাল গরু লেজ নাড়তে নাড়তে গাঁয়ের দিকে চলেছে। পালের পিছনে চলেছে কয়েকটা রাখাল। পাখিরা বাসার দিকে উড়ে চলেছে। একটু পরেই নামবে সন্ধ্যা। পথে দু'চারজনের সঙ্গে দেখা হলো। 'কিন্তু ভোঝোল তাদের কারককে আর রেল-লাইন বা সাংমনের গাঁয়ের নাম জিগোস করলে না।

সে খুব তাড়াতাড়ি হাঁটছিল। তবু সন্ধ্যার আগে গাঁয়ে পৌঁছতে পারলো না। পথেই সাঁঝের তারটি ফুটলো, চাঁদ উঠলো। সপ্তমীর চাঁদ; অন্ন জ্যোৎস্না—খালের বুকে পড়ে চিক্ চিক্ করছে। পথের ওপর গাছের লতা ও হেঁড়া হেঁড়া ছায়া। সামনে গাঁয়ের আলো দেখা যাচ্ছে।



যেন চাকের আওয়াজ ভেসে আসছে। না? তাই তো! এ গাঁয়েও
তবে পুজো হয়?

ভোষোল এবার ছুটলো। নিশ্চয় আরতি হচ্ছে। আওয়াজটা
ক্রমে স্পষ্ট হয়ে উঠেছে। মনে হচ্ছে একসঙ্গে অনেকগুলো ঢাক
বাজছে। হাঁ, ঐ তো বাজছে,—‘লাক চড়াচচড়, লাক চড়াচচড় গিলা
গিলা—’

আর বেশি দূর নয়—পথ ফুরিয়ে এলো। ভোষোল গাঁয়ে ঢুকলো।
বাঁ দিক থেকে চাকের আসছে—আলোর ছটা দেখা যাচ্ছে।
কয়েকটি বউ, গোটা কয়েক ছেলে-মেয়ে কলরব করতে করতে ঐদিকেই
যাচ্ছে। ভোষোল তাদের পিছন পিছন চললো।

সে ঠিকই চলেছে। ঐ তো মণ্ডপ। আলোয় আলো—গ্যাসের
আলো জ্বলছে; জ্বলছে ঝুলন্ত আলো। বাঃ! মন্ত প্রতিমা। আরতি
আরম্ভ হয়ে গেছে। পুরুত দু’হাতে দুটো বড় বড় ধুমুচি নিয়ে আরতি
করছে। ধোঁয়ায় ধোঁয়ায় সব ধোঁয়া—প্রতিমা ঢাকা পড়েছে। ভোষোল
ছুটতে ছুটতে ভীড় ঠেলে প্রতিমার একেবারে সামনে গিয়ে দাঁড়ালো।
ইচ্ছে ছিল আরও কাছে যাব। কিন্তু সামনেটা মোটা বাঁশ দিয়ে
আটকানো। ঐ যে ঐদিকটা ফাঁক। সেখান থেকে সরে এসে চব্বর ঘুরে,
সে যেই সেদিকে যেতে যাবে অমনি সামনে থেকে কে যেন বপু ক’রে
তা’র হাত দুটো চেপে ধরলো; ধ’রেই বললে,—‘ভোঁলা—ভোষোল।’

ভোষোল চমকে উঠে লোকটির মুখের দিকে তাকিয়ে দেখে—
তা’র কাকা!

তা’র কাকা এবার তাকে দু’হাতে জড়িয়ে ধরলেন। আর তা’র
পাল্‌বার উপায় নেই। সে টাটানগর যেতে যেতে চরমাদারিপুরের
কাছারি-বাড়িতে এসে পড়েছে।

ববরটা সঙ্গে সঙ্গে ছড়িয়ে গেল—নায়েবমশাইয়ের ভাই-পোকে
পাওয়া গেছে।

পিয়াদারা ঢাকীদের বললে,—‘জোরে বাজা, পাবি খাজা, হ’বে
মজা—’

চাকীরা অমনি মহানন্দে তাঁদের দু'জনের চারধারে খুঁরে খুঁরে,
দুলে দুলে বাজাতে শুরু করে দিলে—, 'টাটা টানা চটে চাক্—টাটা টানা
চটে চাক্—'

ভোম্বোলের দু'চোখ দিয়ে জল গড়িয়ে পড়লো। সে শুনতে
লাগলো, চাকগুলো যেন বলছে—'টাটা নগর ফকে গেল—টাটা নগর ফকে
গেল—; আর, কাঁশিটা তাদের পিছন পিছন খ্যানখেনে গলায় বলছে—
'টম্বোল দাদা, টম্বোল দাদা, টম্বোল, টম্বোল দাদা—'

তারপর ?
